


KAKABWAIAAKI MAI KARAWA

TIEMINA IBUKIN TE KATAURAOI NAKON TE TEMBORA



ANA BOKI TE TIA REIREI


KAKABWAI AAKI MAI KARAWA

TI EMINA IBUKIN TE KATAURAOI NAKON TE TEMBORA

ANA BOKI TE TIA REIREI

E boretiaki man
Ana Ekaretia Jesu Kristo Ibukiia Aika Itiaki ni Boong Aika Kaitira
Salt Lake City, Utah

© 1995, 2004 man te Intellectual Reserve, Inc.
Bon ti te Intellectual Reserve Inc ae e na baireia bwa antai ae e na kona ni kabongana ao antai ae e na aki
Kauoua ni Boki n 2003
E boretiaki n te United States of America
Kariaiakan te Taetae ni I-Matang: 3/03
Kariaiakan Rairana: 3/03
Rairan te *Endowed From On High: Temple Preparation Seminar*
I-Kiribati



KANOANA

Moanakina	iv
1. E Reiakinaki n te Tembora Taekan te Babaire ibukin te Kamaiuaki ae Kakaawaki	1
2. Ti Riai ni Kororaoi n Rin n te Tembora	7
3. Mwakurin te Tembora e Uoti Kakabwaia aika Kakaawaki nakon Maiura	14
4. Karekean Otenanti ao Berita aika Tabu n te Tembora	18
5. Reirei mairoun te Uea rinanon taian Kanikina	23
6. Katauraoi n Rin n te Tembora ae Tabu	29
7. Kakukureiko ni Kakabwaia man Teimotoan Kakawaran te Tembora	34



MOANAKINA

KAANTANINGA

Te kaetieti ibukin te reirei aei e iangoaki ibukin buokaia kaain Ana Ekaretia Iesu Kristo ibukiia Aika Itiaki ni Boong Aika Kaitira ni katauraoia nakon karekean taian beeба ni kariaia n rin nakon te tembora ao ni kawara te tembora. Kaain te Ekaretia ake a tia n rin n te tembora a kona naba n ira te kiraati n reirei riki aron te tembora.

KAAIN TE REIREI

A riai kaain te reirei aei n iangoia n nako nakon te tembora ma ni kororaoi ibukin karekean te beeба ni kariaia nakon te tembora. Ngkana a tuai ni karekea te beeба ni kariaia, a riai ni katauraoia ni karekea teuana.

Ngkana a tuai kaain te reirei n ira te Reirei n Taabati are e maroroakinaki iai taekan te boki n reirei ibukin *Koauan te Euangkerio*, bon te kaantninga aio, ma e a aki kainnanoaki, bwa a na karaopia i mwaain karaoon te reirei aei. Imwaain karaoon te reirei aei, a riai ni iai aia atatai ibukin moan reirei ao koauan te euangkerio aika a kakaawaki ao kukurein nanoia n ongeaaba nakon Ana tua nako te Atua, n ai aron tuan te itiaki, kawakinan te Taabati bwa e tabu, Tuan te Mauri, ao tuan te kabwianibwai. Te kororaoi ao te kekeiaki ibukin karekean te maiu ae raoiroi bon bwaai aika a riai ibukin irakin karaoon otenanti n te tembora.

Iaan ana kariaia te bitiobi ke te beretitenti n te mwaanga, a kona ni maroroakinaki n aia bowi mataniwi n te uoote ao te mwaanga aanga riki tabeua ibukin kabonganaan te reirei bwa e na riki mwakoron aia kekeiaki ni kakorakoraia utu nako ao ni buokiia mwaane ni katauraoia nakon karekean te Nakoanibonga ae te Merekitereka.

E riai kaain te reirei temanna ni karekea te reta ni kakao mai iroun te bitiobi ke te beretitenti n te mwaanga ke te tia kairiiri temanna n te Nakoanibonga ae te Merekitereka n te uoote ke te mwaanga.

TE TAI AO TE TABO

A kona kiraati ibukin te reirei ni kakaokoro ni mwaitini kaaia, ma a riai n reireinaki inanon kurubu aika a uarereke n aron te babaire ibukin te uoote ke te mwaanga. A kona kaain te reirei n reireiaki n te tabo n taromauri ke n te mweenga. Te tabo, te tai, ao mwaitin kaokiakan te reirei e riai n tauraoi ibukiia kaain te reirei ao te tia anga te reirei.

E tibwatibwaaki bwain te reirei inanon itiua taian reirei. E ngae n anne, e na riai te tia anga te reirei ni kabanea te tai n ai aron mwaitin te tai are a kainnanoia kaain te kiraati n te reirei teuana ma teuana.

BWAAI N REIREI IBUKIIA KAAIN TE KIRAATI

E riai kaain te kiraati temanna ni iai irouna te Bwaibwara ke Ana Boki Moomon n te reirei. A riai naba aomata n tatabemaniaa nako ni iai irouia katotoon te boki ae *Te Katauraoi n Rin i Nanon te Tembora ae Tabu* (36793), are e na riki bwa buokaia kaain te reirei n te reirei aei. E riai n tataraaki n taainako inanon waakin taian reirei, ao kaain te kiraati a riai n tuangaki bwa a na warekia inanon wiiki ake e karaoaki iai te reirei.

TAAN ANGA TE REIREI

E kona temanna ke taanga ake a tia ni mareaki ni rineaki bwa a na anga te reirei n te kirati aei. A riai taan anga te reirei ni iai aia koaua ae matoatoa ibukin te euangkerio ao ma ni kai namakina ana wirikiriki te Tamnei. A riai ngaiia bwa kaain te Ekaretia aika a tia ni kaka-bwaiaaki mai karawa aika iai aia beebea ni kariaia nakon te tembora ao a ataa kakaawakin ao tabun bwaai ake a riki inanon te tembora.

A riai taan anga reirei ngkana e riai, ni iriiia kaain te reirei nakon te tembora ngkana a karekei aia otenanti kaain te reirei.

IANGO IBUKIN TE TIA ANGA TE REIREI

Imwaain riniia kaain te Ekaretia n te tembora, ao a riai n tauraoi ni maiuia n tamnei. Ngkai mwakoron kanoan te katauraoi aei, a riai ni iai aia atatai aika a tau ibukin taian reirei aika irekereke ma te babaire ibukin te kamaiuaki ao te mwakuri n te tembora. Iai inaomatam ni buokilia tabeman n te katauraoi aei, ae kaeti nakon teuana mai buakon baika a tia n namakinna aika moan te tabu inanon maiuia. Te kona ni kainamakina ana wirikiriki te Tamnei bon te aro are ko na kona n anga te reirei n te aro ae kabanean te raoiroi ibukiia kaain te reirei. Uringa ana taeka n reirei te Uea: Ko na anganaki te Tamnei man te tataro n te onimaki, ao ngkana akea iroum te Tamnei ao tai anga reirei. (D&C 42:14).

Wareka ana boki te tia reirei aei mai moana ni karokoa kabaneana imwaain te moan reirei bwa ko aonga n ataia bwa e na kanga te reirei ni karaoaki. Katuaraoa raoi te reirei imwaain te tai n te aro are ko atai iango bwa ko aonga ni kona n anga te reirei. N tain te anga reirei, kakoaua raoi bwa kaain te reirei a oota raoi ni bwaai ake a iangoaki imwaain are ko waaki nako. Tai ienikuri n rinanon te reirei. Taotaona nanom ao kariaia kaain te reirei bwa a na iangoi rongorongo ma ni kaekai.

Karekea aia tai kaain te reirei n titiraki ao ni maroroakin iango, imwaain te reirei ao inanon tain te reirei. Buokii bwa a na kamane-nai taian koaua aika a tia n reiakin inanon maiuia. Kaekai titiraki man kabonganaan koroboki aika tabu, aia reirei burabeti ni boong aika kaitira, ao Ana kairiiri Tamnein te Uea.

Inanon te reirei aei, uringa aron tein taian otenanti n te tembora aika tabu. N aron are e kabwarabwaraaki inanon kiibu n taeka aikai, iango tabeua ibukin mwakurin te tembora a aki riai ni maroroakinaki i tinanikun te tembora:

“Ti aki katauaki bwa ti na maroroakin otenanti n te tembora i tinanikun te tembora. E tuai man iangoaki bwa ataakin aron karoan bootakin te tembora aikai a riai n tianaki mwaitia nakoia ti tabeman aika a na aki kona n ataaki irouia tabeman. N aron ae ataaki, e bon rangi ni kaibibiti ma aron ae kaantaningaaki. Ma ti kairoroia aomata ni kabane bwa a riai n tau ma n tauraoi ibukin karekean aia atatai ibukin te tembora. . . .

“A rangi ni beebeete karoan otenanti ao bootakin te tembora aikai. A rangi n tikiraoi. A tabu. A tabuaki taekinaia bwa rimwi ao e reke irouia te koraki ake a tuai n tauraoi” (*Te Katauraoi n Rin i Nanon te Tembora ae Tabu*, 2).

Mwakuri ni kakorakora am koaua ibukin te tembora, ao kakoaua nakoia kaain am kiraati ni mwatin te tai ibukin koauan taian moan tua ake ko reirei iai. Karekea naba aia tai kaain te kiraaki ni kaota aia koaua ngkana e riai.

Ururinga bonganen ao kakaawakin mwakurin te tembora n taai nako. E taku te Unimwaane ae Boyd K. Packer: “A riki taian otenanti ao berita aika tabu bwa kinakira ibukin rinra n te tabo are e mena iai. Te kororaoi ni karekeana bon te kakae ae abwaabwaki inanon maium; ao kawakinaia imwiin rekeia bon te kakaewenako nakoira n te maiu ae mamate aei” (man te Conference Report, Eberi. 1987, 27; ke *Ensign*, Meei 1987, 24).



E REIAKINAKI N TE TEMBORA TAEKAN TE BABAIRE IBUKIN TE KAMAIUAKI AE KAKAAWAKI

*"Ao aio te maiu are
aki toki, te ataiko
ae te Atua ae ti
temanna ae koaua,
ao Iesu Kristo, ae
Ko kanakomaia."*
(Ioane 17:3).

OIN TE KAANTANINGA

Buokia kaain te kiraati bwa a na ataia bwa te babaire ibukin te kamaiuaki e reiakinaki i nanon te tembora.

TE KATAURAOI

1. Imwaain waakinan te reirei, katauraoa te burakibooti ke te tamnei ae koreaki are e na kamatata aron te banna ae aki bwanin are e kaota te babaire ibukin te kamaiuaki (tara iteraniba 3). (Ko bae n tangiria ni kan karaoa te banna ae aki bwanin raoi iaon te beeба ibukiia kaain te kiraati n tatabemaniia nako bwa a na kabwaninna inanon tain te maroro n te kiraati.)
2. Taraia raoi bwa iai irouia kaain te kiraati aia boki aika tabu. Karekea naba kaobiin te boki ae *Te Katauraoi n Rin i Nanon te Tembora ae Tabu* ibukiia kaain te kiraati n tatabemaniia nako. A riai baikai n tia n otanaki bwa raon bwaai n reirei.
3. Ko na bae n tangiria ni kan anganiia kaain te kiraati tabeman aia mwakuri ni buokiko ni kauouan am waaki n am reirei. Ko kona n anga kiibu ake a na taraaki aika a taekinaki iaan mwakoron te babai-re ibukin te kamaiuaki (te maiu imwaain te maiu ae mamate, te Bwaka, etc.) nakoia kaain te kiraati n tatabemaniia ao tuangiia kaain te kiraati bwa a na roko nakon te reirei ma n tauraoi ni kakimototoi kiibu man koroboki aika tabu bwa baikara bwaaai aika a reiakinaki man kiibu aikai ni kaeti ma te babaire ibukin te kamaiuaki.
4. Ngkana e tauraoi te birim n te witeo ibukin te *Phase 1 Video* (5X779), ko na bae n tangiria ni kan kaota "Man's Search for Happiness," ae 13-te miniti maanna.

ARON WAAKINAN TE ANGA REIREI

TE TEMBORA BON TE TABO N REIREI IBUKIN TE TAMNEI

Tuanga temanna bwa e na anga te tataro ni kakuuki.

Kabwarabwara bwa koroboki aika tabu a na kabonganaaki inanon te reirei teuana ma teuana. Kaungaia kaain te kiraati bwa a na uoti aia boki aika tabu nakon te reirei.

Tibwatibwa kaobiin te *Katauraoi n Rin i Nanon te Tembora ae Tabu* na-koia kaain te kiraati n tatabemaniaa nako. Kabwarabwara bwa te boki aei bon te bwai ni ibuobuoki nakoia ataein te reirei ibukin te reirei aei. Kanoan te boki aei e na maroroakinaki inanon tain te reirei, ao a riai kaain te kiraati ni wareka te boki aei inanon te wiiki are e karao-ki iai te reirei.

Moana te reirei ma ni kabwarabwara bwa te tembora bon te tabo n reirei ibukin te tamnei are e buokiira n ataa riki iai te kaantaninga ibukin te maiu ao te babaire ibukin te kamaiuaki.

Kariaia kaain te reirei bwa a na wareki taeka aika a rineaki aikai, ake a kabwarabwarai taekan bwaai tabeua ake ti a tia n reiakin n te tembora:

E taku Beretitenti Gordon B. Hinckley bwa te tembora “e riki bwa te tabo n reirei ibukin kaetieti aika tatangiraki ma bwaai aika tabu ibu-kin te Atua. Ti a tia ni karinani bwaai ibukin ana babaire te Tama ae tatangira ibukiia natina mwaane ao aine n rooro nako. Ti a tia ni ka-teia i matara tamnein aron te mwananga ae abwabwaaki ae akea tokina ibukiia aomata man te maiu n tamnei ni karokoa te maiu nakon are imwiin te maiu aei. A reireiaki taekan koaua aika kakannato ao n te aro ae a bwarabwara raoi ma ni beebeete nakon ataakina irouia ake a kakauongo nako iai,” *Ensign*, Maati 1993, 5–6).

E taku Beretitenti Brigham Young n ana reirei bwa otenanti n te tembora ake a atongaki bwa te kakabwaia mai ieta e anganiira te kaetieti ae riai ibukin te maiu are akea tokina: “Kakabwaiakim mai ieta bon, karekean otenanti akanne ni kabane inanon ana auti te Uea, ake a riai ibukim, imwiin kitanan te maiu aei irouum, bwa ko aonga ni kona n nakonako n okira Tamam” (*Discourses of Brigham Young*, sel. John A. Widtsoe [1954], 416).

Tuangia kaain te kiraati bwa a na wareka Ioane 17:3.

- Tera ae ti reireinaki iai man te kibu aei ibukin te rabakau ae moan te kakaawaki ae ti kona ni karekea?

Kabwarabwara bwa inanon te tembora, ti reireinaki riki iai aron Tamara are i Karawa ao Iesu Kristo, ao ni kakorakora ara reitaki Nakoia. Ti reiakin aron Aia babaire ibukira, ake a kaineti nakon kiibu ma ni koroboki aika tabu n atu n iango aika kakaokoro, n ai aron te babaire ibukin kaboani maiura ke te babaire ibukin te kamaiuaki.

- Tera ae e a tia ni buokiko n reireiniko n aron te babaire ibukin te kamaiuaki i nanon maium ni karokoa te tai aei?
- E kanga am atatai n aron te babaire ibukin te kamaiuaki ni kaka-bwaia maium?


E taku te Atua bwa a n kakoauaira n nooria ngkana ti kona ni karoai bwaai ni kabane ake a taekin nakoir a bwa ti na karoai (Abraham 3:25).

TI REIREINAKI ARON TE BABAIRE IBUKIN TE KAMAIUAKI N TE TEMBORA

Kabwarabwara bwa kaang mwakoron te kakabwaiaaki mai ieta n te tembora, reiakinan te babaire ibukin te kamaiuaki. E kona mwakoron te reirei aei ni buokiia kaain te kiraati ni katauraoia nakon ataan tiaan reirei aikai inanon te tembora.

Tara te kamataata iaon te burakibooti ae aki bwanin raoi ao rinanon taeka ni kamataata aikai, ma ni kamanenaan koroboki aika tabu ni buokiia kaain te kiraati bwa a na oota iai. Ngkana a tabe ni maroroakinaki kiibu man koroboki aika tabu, koroi iaon te rain ae riai iaon te tiaata (tara te tiaata ae bwanin raoi n te iteraniba 5). Ngkana iai irovia kaain te kiraati katotongan te tiaata, tuangiia bwa a na karin n aia tiaata kiibu man koroboki aika tabu.

Ngkana ko a tia n anganiia kaain te kiraati aia mwakuri, bwa a na buokiko iai, tuangiia bwa a na kaoti aia iango iaon te babaire ibukin te kamaiuaki. Kamataata bwa te maroro aei e na boboto iaon titiraki aikai: Ti roko man te tabo raa? Bukin tera ngkai ti mena n te aonaaba aei? Te tabo ra ae ti na nako iai imwiin te maiu aei?



Te Maiu Imwain te Maiu aei.

1. Ngaira natin te Atua aika tamnei, Tamara are i Karawa, ao ti maeka ngkhoa ma Ngaia i mwaain rokora n te aonaaba (tara I-Rom 8:16–17).
2. Tamara are i Karawa e tewea te bowi ae kakannato i Karawa (tara Abraham 3:22–23). E kaota te babaire ibukin rikirakera ao kukureira ae akea tokina, are e aranaki bwa te babaire ibukin te kamaiuaki. Ti rineia bwa ti ira Ana babaire.
3. N irakin kanoan te babaire, Iesu Kristo, are bon Ana Moan Nati Tamara are i Karawa, e anga nanona bwa e na riki bwa ara Tia Kamaiu (tara Moses 4:2; Abraham 3:27).
4. Rutibeero, are natin naba te Atua temanna, e eekaanako ana babaire Tamara are i Karawa ao e “ukoukora kamaunaan inaomataia

n rinerine aomata." A teweaki nako mai karawa Ngaia ma raona ma ni kakeaaki inaomataia ni karekean rabwataia ao ma n noora aron te maiu ae mamate aei. Rinanon rooro nako, Taatan, ae bon Rutibeero are e a aranaki iai, e a tia ni kataia ni karawawataia aomata ni kabane n ai arona man kaririaia bwa a na karaoa ae buakaka (tara Moses 4:1, 3–4; 2 Nibwaai 2:17–18).

Te Bwaka

1. Atam ma Nei Ewa boni ngaiia ake a moan rineaki bwa a na riki bwa moan natin Tamara are i Karawa ake a na ruo nako aon te aba ma ni katukaki n te O n Aroka are i Eten. N te tai anne, rabwataia aki mamate (tara Moses 3:7–8, 21–23).
2. A tia Atam ma Nei Ewa n rinea bwa a na kana te uaanikai are e tabuia te Atua bwa a na kanna. N tokina, a karaureaki nako mai iroun te Atua. Te raurenako aei e aranaki bwa te mate n tamnei. A reke nakoia te rabwata ae mamate, are nanona bwa rabwataia a na bon mate n tokina. A kona naba ni karikiia natiiia. Te bitaki nakon te rabwata ae mamate e aranaki bwa te Bwaka (tara te 2 Nibwaai 2:19–25; D&C 29:40–41).

Te Maiu ae Mamate

1. Ni kabane te koraki ake a rinea te maiu n tamnei bwa a na iriira ana babaire Tamara are i Karawa a karekei rabwataia man te bungiaki nakon te aonaaba aei. I nanon maiura ae mamate aei, ti kataaki bwa ti na nooraki bwa a kukurei nanora ni maiu inanon te onimaki ao n ongeaaba nakon ana tua nako Tamara are i Karawa ngkana ti aki mena i rarikina (tara Aramwa 34:32; Abraham 3:24–26).
2. N te maiu ae mamate aei, a inaomata aomata n tatabemaniia nako n rinea bwa a kukurei ni kan ririmwin te Atua ke n iriira Taatan (tara 2 Nibwaai 2:27).

Te Mate ao te Mangauti

1. Ngkana ti mate, ao tamneira a rin n te aba n tamnei, ao rabwatara a tiku iaon te aonaaba. Te tai n raaure nako aei e waaki nako ni karokoa te tai ni mangauti. Tamneia te koraki ake a raoiroi a butimwaeaki nakon te rau ao te kukurei, are atongaki bwa te bwaretaiti. A katukaki tamneia aomata aika a buakaka n te rotongitong, are e iangoaki n taai tabetai bwa te karabuti (tara Aramwa 40:9–14; tara naba 1 Betero 3:19).
2. Ana Mwakuri ni kamaiu ao Mangautin Iesu Kristo e karekea te kawai ibukiia aomata ni kabane bwa a na tokanikai iaon te mate n rabwata ma ni manga kautaki man te mate. Te mangauti nanona bwa tamneira ao rabwatara aika kororaoi a na manga ikotaki ibukin te

*"Ti kakoauaa ae
man te kabara bure
rinanon maten ao
mangautin Kristo,
a konaa iai aomata
nako ni kamaiuaki,
n te ongeaba nakon
tuua ao otenanti n
te Euangkerio."
(Taean te Onimaki
1:3).*

maiua ae akea tokina (tara 1 I-Korinto 15:22; 2 Nibwaai 9:10–13; Aramwa 11:42–44).

3. Ana Mwakuri ni Kamaiu Iesu Kristo e karekeia naba te kawai ibukira bwa a na kabwaraaki ara bure ma ni kaitiakaki n te aro bwa ti aonga ni maeka ma te Atua. E kammarakaki te Tia Kamaiu ibukin aia bure aomata ni kabane i nanon te O n Aroka are i Ketetemwane ao iaon te kaibangaki. Man mwiin Ana Mwakuri ni Kamaiu, ao ti konan rairi nanora man ara bure ma ni karekeia kabwaraan ara bure. Ngkana ti maiuakina te euangkerio, ao ti kona n tau ni karekeia te bwaintituaraoi ibukin te maiua are akea tokina ma ni riki kanga ai Arona (tara Motiae 3:5–12).

Te Abanuea ae Mimitong

N tain te mangauti, aomata n tatabemaniia nako a na anganaki te abanuea ae mimitong. Te koraki ake a raoiroi a na rin inanon te kimoreirei ao te kakabwaaaki ae korakora riki nakoia te koraki ake a aki ongeaaba nakon Ana tua nako te Atua (tara 1 I-Korinto 15:35, 40–42).

1. Mimitongin te abanuea ae te teretio bon ibukiia te koraki ake a aki karekeia ana euangkerio Iesu Kristo ke ana koaua Iesu Kristo ke ana burabeti te Atua, ao naake a bure kakaiaaki inanon maiuia (tara D&C 76:81–88, 98–103).
2. Mimitongin te abanuea ae te teretio bon ibukiia aomata aika a karineaki n te aonaaba ake a kaririaki ao ibukiia te koraki ake a aki ninikoria n ana koaua Iesu Kristo (tara D&C 76:71–79).
3. Mimitongin te abanuea ae te tiretio e bon kawakinaki ibukiia te koraki ake a ongeaaba nakon ana tua nako te Atua ma ni karekei otenanti, ake a tokanikai iaoni bwaai ni kabane n onimakinan Iesu Kristo, ao n riki ni kororaoi n te itiaki i nanoia (tara D&C 76:50–70).

Tuangia kaain te kiraati bwa a na kaekai titiraki aikai:

- Tera ae ko ataia man te babaire ni kamaiu are ko aki ataia mai mwaaina?
- E kanga aron am namakin ngkana ko iangoa aron taben Iesu Kristo n te babaire ae kakannato aei?
- Ti na kanga ni kaotia nakon Tamara are i Karawa ao Iesu Kristo bwa ti kaaitauia ibukin Aia babaire?


Katuruturua bonganau ao kakaawakin Ana Mwakuri ni Kamaiu te Tia Kamaiu n te babaire ibukin te kamaiuaki, korea te kateniua ni kibu man taekan te onimaki iaan te tiaata ae a tia raoi n aron ae kaotaki.

KABANEANA

Katurutura bwa te tembora e karekei nakoira atatai ibukin te babaire aei, te atatai are e uoti kakabwaia nakon maiura. Kaota am koaua ibukin taian kakabwaia ake ko a tia ni karekei ibukina bwa ko oota raoi n te babaire ibukin te kamaiuaki ao ni maiuakin koauan nako te euangkerio.

Ko na bae n tangiria ni kan kainna mani kaotan te tamnei ae “Man's Search for Happiness.”

Tuanga temanna bwa e na anga te tataro ni kainiin.



"Ti kokoauaa ae man te kabwarabure rinanon maten ao mangautin Kristo, a konaa iai aomata nako ni kamaiuaki, n te ongeaba nakon tuua ao otenanti n te Euangkerio." (Taekan te Onimaki 1:3).



TI RIAI NI KORORAOI N RIN N TE TEMBORA

"Bon au kaantani-nга i nanou ae nano bwa a na kororaoi kaain te Ekaretia ni kabane nakon te tembora. Au kaantaninga bwa kaain te ekare-tia aika ikawai a na riai n tau ke ni kororaoi ibukina—ma ni uouota—te beeба ni kariaia nakon te tembora" (Beretitenti Howard W. Hunter).

OIN TE KAANTANINGA

Te buokiia kaain te kiraati n oota bwa a riai ni kororaoi n rin n te tembora.

TE KATAURAOI

1. I mwaain tain te reirei aei, kaoa te bitiobi ke te beretitenti n te mwaanga bwa e na anga taeka ni kamataata ibukin aron karekean te beeба ni kariaia. Iango ni katautau ibukin bwaai n reirei ibukin te anga reirei aei bwa e kona n reke iaon te iteraniba 10—11 n te mwakoro ae “Karekean te Beeба ni Kariaia nakon te Tembora bon te Kakabwaia.” Ngkana e tabetabe te bitiobi, ko kona n tuanga temanna ana kaauntira bwa e na anga ana reirei.
2. Koroi taeka aika a rineaki aikai i aon te burakibooti ke te beeба ae bubura: “I kaoia kaain te Ekaretia ni kabane bwa a riai ni maiuakina riki maiun ao ana katooto te Uea ae Iesu Kristo” (Beretitenti Howard W. Hunter, man te Conference Report, Okitobwa 1994, 7; ke *Ensign*, Nobembwa 1994, 8).

ARON WAAKINAN TE ANGA REIREI

Tuanga temanna bwa e na anga te tataro ni kakuuki.

Tuangii kaain te kiraati ngkana iai aia titiraki. Karekea am tai ni kae-kai titiraki n am kabanea ni kona n aron kairam mairoun Tamnein te Uea. Uringnga bwa iango tabeua n te tembora aki riai ni maroroakini-naki itinanikun te tembora.

Kabwarabwara bwa te koraki ake a rin n te tembora a riai ni kaota onimakinan Tamara are i Karawa ao Iesu Kristo man maiuakinan te euangkerio ao kawakinan tuua. A riai n itiaki ni maiuia, ni kakaoni-maki ni kakabwaka aia kabwianibwai, n ongeaaba nakon Tuan te Mauri, ni kawakina te bong ae te Taabati n tabuia, ao ni kekeiaki mwaaka ni maiuakinan te raoiroi n aaro ni kabane ake tabeua. A riai naba ni kataetaeaki iroun te bitiobi ke te beretitenti n te mwaanga ao te beretitenti n te titeiki ke te mition ao a riai ni kuneaki bwa a kororaoi nakon karekean te beeба ni kariaia nakon te tembora. A na rina-noaki n te reirei aei koauan te euangkerio tabeua ao tuua ake a na riai kaain te kiraati ni maiuakin n te aro bwa a na kororaoi n rin n te tembora.

ITIAKI NI MAIUM

Kabwarabwara bwa te Uea ao Ana burabeti a tia ni kaokioka reiakanan kakaawakin itiakin te maiu. E taku n ana reirei Beretitenti Gordon B. Hinckley: "Ti kakoauaa te itiaki imwaain te mare ao te kaonimaki ae kororaoi imwiin te mare. Anne are e a booti ni kabane. Anne te kawai nakon te kukurei inanon te maiu. Anne te kawai nakon te rau n nano. E uota te rau nakon te nano ao nakon te mweenga" (man te Conference Report, Okitobwa 1996, 68; ke *Ensign*, Nobembwa 1996, 49).

Ikotaki ni wareki kiibu mani koroboki aika tabu aikai:

Doctrine and Covenants 42:22-24 (E a tia te Uea ni tuangira bwa ti na tangiriia buura ao ma n aki kakaea riki temanna; E a tia n tuangira bwa ti na aki karaoa te wenebure.)

Doctrine and Covenants 121:45 (E a tia te Uea n tuangira bwa ti na kariaia te raoiroi bwa e na katamaroai ara iango n aki toki.)

1 Timoteo 4:12 (Ti na riki bwa taani kaota te katooto ibukin te itiaki.)

1 Nibwaai 10:21 (Akea te bwai ae bareka are e na kona ni maeka ma te Atua.)

Taekan te Onimaki 1:13 (Ti kakoauaa ae ti itiaki ma n raoiroi.)

- Bukin tera bwa te Uea e kabatia taekinan te itiaki ni maiura?
- Baikara mwiin mwakuri aika bubuaka aika ti kona n noori n te aonaaba ni katobibira? Baikara kakabwaia tabeua ibukin maiuakinan te maiu ae itiaki?

Kairi aia iango kaain te kiraaki nakon taeka aika rineaki aika ko a tia ni koroi i aon te burakibooti ke te beebea ae bubura (tara ana itera te "Te Katauraoi" n te reirei aei).

- E kanga te reirei aei ni buokiia ara ataei n eekinako taian kariiri n te aonaaba ao ni maiuakinan te maiu ae itiaki?

KABWIANIBWAI

Tuangjia kaain te kiraati bwa a na wareka Doctrine and Covenants 119:4.

Taekinna bwa e a tia te Moan Beretitentii ni kabwarabwara aron te kabwianibwai ae riai: "Te taeka ae moan te beelete ae ti ataia bon ana taeka te Uea are e bon taekinna, ae kangai, bwa kaain te Ekaretia a riai ni kabwaka teuana te katebwina ni mwakoro man aia raka ni katoa ririki,' are e ataaki bwa e nanonaki iai te kareke mwane" (te reta man te Moanrinan ni Beretitentii, 19 Maati. 1970). Mwanen te kabwianibwai a kamanenaaki ibukin katean taian umwantabu ao taian

tembora, ni boutoka aia mwakuri mitinare, ao ni katea uean te Atua i aon te aonaaba.

Taekin taeka aikai ake a taekinaki iroun Beretitenti James E. Faust:

“Te kabwianibwai bon te tua ae moan te kakaawakin ibukin kukureia ao mweeraoia kaain te Ekaretia ni kabuta te aonaaba, ibukiia aika kabubwai ao aika kainnano. Te kabwianibwai bon te tua ibukin te anganano ao te kiing ibukin kaukani wintooni karawa Kaain te Ekaretia ake aki kakabwakai aia kabwianibwai a aki kabuai aia beebe ibukin kaainakin te ekaretia; a ti kabuai taian kakabwaia” (man te Conference Report, Okitobwa 1998, 73–74; ke *Ensign*, Nobembwa. 1998, 58–59).

Rinanoi ma kaain te kiraati kiibu man koroboki aika tabu aikai:

Nakoia Ibonga 27:30 (Te kabwianibwai bon ana bawai te Uea; e tabu nakon te Uea.)

Maraki 3:8–11 (Ti iraea te Atua ngkana ti taui ara kabwianibwai; Te Atua e na anga te kakabwaia ae bati nakoia te koraki ake a kakabwakai aia kabwianibwai.)

- Baikara kakabwaia aika kam a tia ni karekei ibukina bwa ko a tia ni kabwaka am kabwianibwai?
- E aera ngkai ti iraea te Atua ngkana ti taui ni kabwakai ara kabwianibwai? (tara D&C 104:14.)

Kabwarabwara bwa kaain te Ekaretia ni katoa ririki a tuangaki bwa a na kawariia aia bitiobi ke te beretitenti n aia mwaanga n tain kaitikan nikiran te kabwianibwai ao ni kamatoa n te kaotioti nakoina bwa a kakabwakai aia kabwianibwai ke aki. N te bootaki aei bon te tai ae riai ibukiia kaain te ekaretia ni katautaua aroia ni kakoroan bukin te tua ae kakaawaki aei.

TUAN TE MAURI

Kabwarabwara bwa imwaain ae ti rin n te tembora, e kaantaningaira te Uea bwa ti na inaomata man mwakuri aika a na kariki maiura aika a aki itiaki ao aika a mamaara, n te maiu n tamnei ao n rabwata.

Wareka mwakorona ke ni kabane kiibu man koroboki aika tabu aikai:

1 I-Korinto 3:16–17 (Rabwatara bon ana tembora te Atua ao e riai n aki kabarekaaki.)

Doctrine and Covenants 89 (Te kaotioti aei e ataaki bwa Tuan te Mauri. Kiibu 1–9 maroroakin bwaai aika tiaki riai n karin i nanon rabwata, kiibu 10–17 maroroakin bwaai aika a raoiroi ibukin rabwatara; kiibu 18–21 kabwarabwarai ana berita nako te Uea nakoia te koraki ake a kaawakin Ana tua nako te Atua.)

- Baikara bwaai n te aonaaba n te bong ae e kairoroira bwa ti na urui tuua ake ti anganaki inanon Tuan te Mauri?
- Ti na kanga ni buokiira ao ara ataei ni kawakin Ana tua nako te Uea ibukin te marurung?

Tuangia kaain te kiraati bwa a na wareka Doctrine and Covenants 29:34.

- Ni kawai ra aika ko taku bwa te ongeaaba nakon Tuan te Mauri e kona ni kakabwaiaira ni maiun tamneira ao n rabwatara?
- Baikara tabeua kaubwai ni wanawana aika korakora (D&C 89:19) ae ti kona ni karekei man kawakinan tuua aikai?

Tibwaua te taeka aei aika a taekinaki mairoun Beretitenti Boyd K. Packer:

“Te bwai ae ko ataia n te maiu n tamnei e kaeti nakon, arom n, tararuaa aron rabwatam. Anne bukina ae e rangi ni kakaawaki iai Tuan te Mauri.

“Bwaai ake a kareke tangiraia ma ni bwaruaki a katabuaki n te kaotio—ti anne—n aron te ii, te koobe, te manging, te baake— e kona n uruana aron te reitaki n tamnei ae kai bure torona, n ai aron ae a kona ni karaoia aeka ni bwain aoraki ake tabeua aika a kaangaanga kaakakiia.

“Tai kaakea bonganen Tuan te Mauri, bwa e kona ni kabooa mwin te kaubwai ae korakora ibukin te wanawana n aron naba kaubwai ake aki ataaki ake kanoan te berita nakoia te koraki ake a kawakinna. Ao marurungin te rabwata bon te kakabwaia ae e raonaki nako iai”(man te Conference Report, Okitobwa. 1994, 78; ke *Ensign*, Nobembwa 1994, 61).

TE BONG AE TE TAABATI

Bootaki ni wareka te Otinako 20:8–11.

Kabwarabwara bwa a na aomata te Uea a tia n tuangaki bwa a na kawakina te bong ae te Taabati n tabuia. E a tia te Uea ni berita ibukin kakabwaia aika kakannato nakoia te koraki ake a karaoia..

Tuangia kaain te kiraati bwa a na wareka Doctrine and Covenants 59:9–13.

- Tera bukina ae nang kakaawaki bwa ti na kawakina te bong ae te Taabati n tabuia n aron ae anganira te Uea?
- Tera te anga ae kona Doctrine and Covenants 59:9—13 ni kaira aron kawakinan te bong ae te Taabati?
- Baikara kakabwaia tabeua ake a beritanaki nakoia te koraki ake a kawakina raoi te Taabati?

Ngkai mwakoron te maroro aei, ao tibwauai koaua aikai, ake a reiakinaki iroun te Unimwaane ae James E. Faust:

“Bukin tera ngkai e tuangira te Atua bwa ti na karinea te bong ae te Taabati? I taku bwa iai bukina aika teniua Te moan a riai ni karaoki bwaai aika e kainnanoi te rabwata ibukin te motirawa ao kabauana. . . .

“Bukina te kauoua, n au iango, bon bonganana ae moan te ataaki riki. Aio e irekereke ma kainanoan karekean te marurung ae boou ao kakorakoraan maiun tamneira. . . .

“Kateniuan bukina bon kabanean te kakaawaki mai buakon ake teniua. E riai ni karaoaki ma te ongeaaba nakon tuua bwa kaanga kaotan ara tangira ibukin te Atua. A kakabwaia te koraki ake a aki irarang nako ma a ti kawakin aia tangira nakon te Tia Kamaiu ibukin kawaninan tuua” (man te Conference Report, Okitobwa 1991, 46–47; ke *Ensign*, Nobembwa 1991, 35).

- Baikara kakabwaia ake a tia n reke inanon maium ibukina bwa ko a tia ni kawakina te bong ae te Taabati n tabuia?

Tuangiia kaain te kiraati bwa a na maiuakin tuua are e maroroakinaki n te bong aei: te itiaki ni maium, te kabwianibwai, Tuan te Mauri, ao kawakinan te Taabati. Imwiina a na rangi n tauraoi riki n rin n te tembora ma ni karekei Ana kakabwaia te Uea ae maon te batiriki.

ARON KAREKEAN TE BEEBA NI KARIAIA IBUKIN TE TEMBORA BON TE KAKABWAIA

Kabwarabwara bwa imwaain ae a kona kaain te Ekaretia n nako n te tembora, a riai ni kororaoi n tatabemaniia nako ni karekean te beeба ni kariaia nakon te tembora. N aron ae kabwarabwaraaki n te kibu n taeka aei, te waaki ibukin karekean te beeба ni kariaia nakon te tembora e kona ni kakabwaiai maiuia aomata n tatabemaniia nako:

“Iai mwiokoan te bitiobi bwa e na titirakiniira ibukin kororaoira. Moan te kakaawaki te maroro aei nakoim ngkai kaain te Ekaretia ngkoe, bwa bon aio te tai ni kakaea te aeka ni maiu ibukim ma te tia mwakuri ibukin te Uea are e a tia ni katabuaki. Ngkana iai te bwai ae e kairua i nanon maium, e na kona te bitiobi ni buokiko ni katoka te kaangaanga. Rinanon te waaki aei, ngkai ko maroro ma te tia moti iaon Iteraera, ko kona ni kamatoa ni kaotia ni buoka ni karekea kororaoim n rin n te tembora n Ana kariaia te Uea” (*Te Katauraoi n Rin i Nanon te Tembora ae Tabu*, 3).

Kabwarabwara bwa te bitiobi ke beretitenti n te mwaanga ao te beretitenti n te titeiki ke te mition bwa e na marooro ma te koraki ake a ukoukora karekean aia beeба ni kariaia ibukin te moan tai ao naa-ke a baireia bwa a na mareaki n te tembora. A kona Kauntira n te

“I . . . kaoia kaain te Ekaretia bwa a na katea Ana tembora te Uea bwa kanga te kanikina ae kakaawaki ibukin kaainakin te Ekaretia ao karoan aia berita aika rangi n tabu”
(Beretitenti Howard W. Hunter).

bitiobiriki ao te beretitentii n te titeiki ni marooro ma te koraki ake a tangiri kabouan aia beebe ni kariaia nakon te tembora.

N te tai aio, kariaia te bitiobi ke te beretitenti n te mwaanga ke temanna mairouia kaauntira n te bitiobiriki bwa e na karaoa ana taeka are e na anga ibukin beebe ni kariaia nakon te tembora. E riai n aki wareki taian titiraki ibukin te maroro nakoia kaain te kurubu, ma e kona ni kaoti iango nako ibukin te bwai ae a kaantaningaia kaain te kiraati ngkana a kataetaeaki ibukin te beebe ni kariaia nakon te tembora. A kona kiibu n taeka aikai ni kamanenaaki bwa bwaai ni kairiiri:

A riai kaain te ekaretia ake a ukoukora karekean te beebe ni kariaia nakon te tembora ni karekei ana koaua Tamara are i Karawa, ibukin te Uea ae Iesu Kisto, ao te Tamnei ae Raoiroi. A riai ni kamatoaiia ana burabeti te Uea, Mataniwi ni Kabuta ake tabeman, ao mataniwi iaon abaia. A riai n aki nanokawaki ibukiia tabeman ke ni iraorao ma kurubu nako ke aomata n tatabeman nako ake a tia ni birinako man te Ekaretia ke reirei ke mwakuri ake a kaaitara te euangkerio.

Te koraki ake a ukoukora karekean te beebe ni kariaia a riai ni kakao-nimaki n iriira bootakin te toa, bootakin te nakoanibonga ao bootaki riki tabeua n te Ekaretia. A riai ni waakina weteaia ma te ingainga n nano are a anganaki man te mwaaka ni ibonga. A riai ni kekeiaki ni kawakin Ana tua nako te Uea, n ikotaki ma kabwakaan te kabwani-bwai, ma te karinerine n te taeka ao n te mwakuri, ao ma n toki mani kabonganaan te ii, te koobe, te arekooro, te baake, ao bwaai riki tabeua aika a kaaoraki ma ni kaangaanga katokaia.

A riai ni maiuna te itiaki ao te maiu ae raoiroi ma n riai n ongotaeka nakon Ana tua te Uea ibukin te itiaki, are e katabua te karaobure ma temanna irarikin buum are ko a tia ni mareaki ma ngaia. A riai ni kwakin moan tua n te euangkerio inanon te maiu n tamnei ao te rabwata n reitaki ma kaain aia utu ake tabeman. A riai n aki irekeireke ma mwakuri ni bwainikirinia tabeman n aron te maiu n tamnei, n te rabwata, n te iango, ke waaki riki tabeua aika bubuaka.

A riai ni kukurei ni kaota aia bure ao ma ni mwaninga taekaia. Buure aika kaangaanga, n ai aron riaoan te tua, bwainikirinaia kaain te utu, te iraorao ma kaaini kurubu ake a birinako man te Ekaretia ke waaki riki tabeua, ke riaoan tuan te aba n te aro ae korakora, a riai ni kaotaki nakon te bitiobi ke te beretitenti n te mwaanga imwaain te maroro. Ngkana mataniwin nanon te aomata, are bon Otan Kristo are a anganaki aomata ni kabane, e kaunga tabekan te titiraki n ana iango te aomata ibukin te bwai teuana bwa e na maroroakinaki ma te bitiobi ke te beretitenti n te mwaanga, e bon riai ni maroroakinaki.

Naake a tia n raure a bae n tangira kaitiakan taekaia mairoun te bitiobi ke te beretitenti n te mwaanga ao beretitenti n te titeiki ao ke te mition imwaaini karekean te beebe ni kariaia nakon te tembora A riai

ni iri taian boraraoi n aron tuan te raure, ni ikotaki ma kakabwakaan te mwane ni boutoka waakin te utu.

Kaain te Ekaretia ake a kakaei karekean te beeба ni kariaia nakon te tembora a riai ni marooro ma temanna kaain te beretitentii n te titeiki ke te beretitenti n te mition imwiin tiام ni kataetaeaki iroun temanna kaain te bitiobiriki ke mairoun te beretitenti n te mmwaanga. Tabeman a miimi bwa bukin tera e riai te aro aei. Ngkana ti kakaea karekean ara beeба ni kariaia nakon te tembora, ti bon ukoukora iai tangiran karekean te kariaia mairoun te Uea bwa ti na rin n te tembora. Iai inaomatara ni kakoaua aron kororaoira i mataia taani kakoaua ake uoman ake e a tia te Uea ni kariaia. Bon te kakabwaia nakoira ngkana ti taekinna i mataia ana toro te Uea ake a tia ni kariaia bwa ti kororaoi n rin n te tembora.


KABANEANA

Katuruturua kakaawakin aron te kororaoi n rin n te tembora ao n uuota am beeба ni kariaia ae boou nakon te tembora, rinanoi taeka aikai mairoun Beretitenti Howard W. Hunter:

“I . . . kaoiia kaain te Ekaretia bwa a na katea ana tembora te Uea bwa te kanikina ae kakannato ibukin kaainakin te Ekaretia irouia ao kara-oan aia berita ae moan te tabu. E na riki bwa te bwai ae moan te korakora tangirana i nanou ni kariaia kaain te Ekaretia ni kabaneia bwa a na kororaoi n rin n te tembora. Bon au kaantaninga bwa a riai kaain te Ekaretia aika a ikawai ni kororaoi ibukin—ao n uuota—te beeба ni kariaia nakon te tembora ae boou, e ngae ngke e raroa te tembora n te aro are e aki kariaia kabonganaana n te tai are e tangiraki iai ke ni katoa tai” (e rineaki man Jay M. Todd, “President Howard W. Hunter,” *Ensign*, Turai 1994, 5).

Kaota am koaua ibukin te kakabwaia are e tia n reke inanon maium ngkai ko a tia ni kororaoi ni maium n rin n te tembora.

Tuanga temanna bwa e na anga te tataro ni kainiin.



MWAKURIN TE TEMBORA E UOTI KAKABWAIA AIKA KAKANNATO NAKO NANONI MAIURA

*Ao ti bubutiko,
Tamara ae Tabu,
bwa am toro a na
nako man te auti
aei ma n uota
mwaakam, ao
aram bwa e na
mena iaoia, ao
mimitongim bwa
e na otabwaniniiia
(D&C 109:22).*

OIN TE KAANTANINGA

Buokia kaain te kiraati bwa a na oota bwa te koraki ake a rin n te tembora aika a kororaoi a na karekei kakabwaia aika bat mairoun te Uea.

TE KATAURAOI

1. Rinanon raoi koroboki aika tabu ake a kabonganaaki n te reirei aei n te aro are ko na tauraoi ni kaira te maroro n te kiraati.
2. Ko na bae n tangiria ni kani katauraoiko n tuangiia kaain te kiraati bwa a na anenea te anene n taromauri teuana ibukin te mwakuri n te tembora, n aron ae "We Love Thy House, O God" (*Hymn*, no. 247), ke ibukin aron tein te koaua ae akea tokina, n aron ae "Taekina Te Koaua" (*Anene n Taromauri ma aia Anene Ataei*, nambwa 27)
3. Ngkana e tauraoi te viteo katiete ibukin te *Family Home Evening Video Supplement (International) 5x736*, ko na bae n tangira kaotan "Temples Are for Eternal Covenants," bon onoua te miniti maanin te mwakoro aei.

ARON WAAKINAN TE ANGA REIREI

Tuanga temanna bwa e na anga te tataro ni kaukuki.

Tuangiia kaain te kiraati ngkana iai aia titiraki. Karekea am tai ni kae-kai titiraki n am kabanea ni kona n aron kairam mairoun Tamnein te Uea. Uringnga bwa iango tabeua n te tembora a aki riai ni maroroakinaki itinanikun te tembora.

MWAKURIN TE TEMBORA AI KAMAN IAI MAN TAAI AKE NGKOA

Ko na bae n tangiria ni moanna man anenean te anene n taromauri ni bootaki ibukin te mwakuri n te tembora ke ibukin te koaua ae akea tokina.

Kabwarabwara bwa e a tia te Uea n tuangiia aomata n taai nako bwa a na katea te tembora. E a tia ni kaoka te mwakuri ae e na karaoaki n te tembora.

- Tembora ke tabaenako ra ake a taekinaki ni koroboki aika tabu?

Tuangia kaain te kiraaki bwa a na rinanon taian intekiti ni koroboki aika tabu ni kakaai kiibu aika a na taraaki aika taean taian tembora ao tabaenako. Ko na bae n tangiria ni kan karinani aia reke kaain te kiraati iaon te burakiboti. Ko bae n tangiria naba bwa kaain te kiraati a na rinanon koroboki aika tabu aikai:

Ana Tabaenako Mote: Te Otinako 40:1–2, 34–38

Ana tembora Toromon: 2 Rongorongo 3:1–2; 5:1

Ana tembora Erote: Mataio 21:12–15

Ana tembora Nibwaai: 2 Nibwaai 5:16; Motiae 1:18; 3 Nibwaai 11:1

Kabwarabwara bwa ibukin kitankin te koaua, ao n tokina ao aomata a bane ni mwaninga aron kabonganaan raoi taian tembora aikai ao a uruakaki ni kabane. E a tia ni kaokaki bwaninin raoi Mwakurin te Tembora inanon ara bong aikai rinanon te Burabeti aei Iotebwa Timiti, e uoti kakabwaia aika raoiroi nako nanoni maiura.

E taku te Unimwaane ae Bruce R. McConkie: “Taean katean ao kabonganaan raoi taian tembora are e taekinaki mairoun te tamnei bon teuana mai buakon taian koaua aika kakaawaki ibukin mimitongin Ana mwakuri te Uea. . . . Te tabo ike a tei iai taian tembora, e mena tamnein te kaotioti iaoia te koraki ake a baire ma ni wakina aron te mwakuri iai, ao ikanne are a na kona iai ni kuneaki Ana aomata te Uea; ma n te tabo are akea iai bwaai aikai, te Ekaretia ao uean te Atua ao koauan karawa bon akea.” (*Mormon Doctrine*, 2nd ed. [1966], 781).

NAAKE A RIN N TE TEMBORA NI KORORAOI A NA BERITANAKI KAKABWAIA AIKA KAKANNATO

Te tembora, ke ana auti te Uea, bon te tabo are ti nako iai ni kataura-oira ibukin te karietaataki nakon te abanuea ae tiretio. Ao ikekei ti reireiaki riki iai aron Tamara are i Karawa ao Iesu Kristo. Ti karaoi berita aika tabu mangaiia, ao a berita ibukin kakabwaia aika raoiroi nakoira.

Inanon Doctrine and Covenants, E a tia te Uea ni kamataatai tabeua mai buakon kakabwaia ake a roko nakoia te koraki ake a rin n te tembora ma ni kororaoi ibukin taian berita ake karaoaki ikekei. A kamataataki tabeua man kakabwaia aikai n te mwakoro 109, n te tataro are e taekinaki n tain katabuan te Kirtland Tembora. Taean te tataro aei e anganaki Iotebwa Timiti man te kaotioti.

E taku Beretitenti Howard W. Hunter bwa te tataro aei e na “waakina-ko kaekaana nako aora n tatabemaniira nako, nako aoia kaain ara utu, ao nako aora ngaira aika aomata ibukin te mwaaka ni ibonga are e a tia te Uea n anganiira bwa ti kamanenana inanon Ana tembora aika tabu” (“The Great Symbol of Our Membership,” *Ensign*, Okitobwa 1994, 4).

Beretitenti Hunter e rinei tabeua kiibu man te mwakoro 109. Bubutia kain te kirati bwa a na wareki kibu aikai: Doctrine and Covenants 109:10–12, 22–23, 59, 67, 72, 75. Tuangiia bwa a na tarai kakabwaia ake a taekinaki mairoun te Uea.

Imwiin te wareware, ao tuangiia kaain te kiraati bwa a na karinani kakabwaia ake a tia n atai. Koroi iango iaon te burakiboti. Kakabaia ake a taekinaki a rin naba ibuakoia aikai:

1. E na mena mimitongin te Uea iaoia ana aomata.
2. Ana toro te Uea a nako man te tembora ma mwaakana, arana, ao mimitongana, ao anera a na anganiiia aia mwakuri.
3. Ana toro te Uea a na karekea koauan te euangkerio man te tembora ni karokoa tokin te aonaaba.
4. A na kateaki taian Titeiki n te aro are a na kona ni ikoikotaki iai Ana aomata te Uea.
5. Iteraera ake a uamaenako a na ataa te koaua ma ni kimwareirei.
6. Aia utu Aomata aika Itiaki ao aia aoraki ao naake a karawawataaki a na bane n uringaki i matan te Uea.
7. Uean te Atua e na kaona te aonaaba.
8. Ana toro te Uea a na mwemwekakirake ni kaaitibo ma te Uea ao a na mena ma Ngaia n aki toki.

Eng, ao n neu ae N na mena iai bon [inanon au auti], bwa N na roko inanova, ao ni kabane te koraki ake a itiaki nanoia ake a na roko inanova a na noora te Atua (D&C 97:16).

- E kanga aron am namakin ngkana ko iangoi aron kakabwaia aika a raoiroi aikai nakoia te koraki ake a rin n te tembora ma te kororaoi ao ma ni karinei aia berita aika tabu?

E taku Beretitenti Howard W. Hunter: “Iai te aomata ae e a tia n taekinaki nakoina berita aika raoiroi mairoun te tamnei! Ngaia are te Uea e tangiria bwa naake a ririmwiina a na toui mwiin ana katooto ni kaineta Ana tembora” (*Ensign*, Okitobwa 1994, 5).

E a tia naba te Uea ni berita ni kaineti ma taian tembora inanon Doctrine and Covenants 97. Tuangiia kaain te kiraati bwa a na wareka Doctrine and Covenants 97:15–21.

- Tera ae ti reireinaki iai ni kiibu 15–17 ibukin te bwai ae a riai Ana aomata te Uea n tau ibukin taiani kakabwaia man Ana tembora? (Kakoaua raoi i nanom ma n aki kariaia te bwai teuana ae bareka bwa e na roko nako nanon te tembora.)

Kabwarabwara bwa te koraki ake a itiaki nanoia aranaki bwa Tion. Kiibu 15–21 a reireinira bwa ti kona ni buoka katean Tion man rinra n te tembora ma ni kororaoi ao ni kekeiaki ni kaitiaki nanora ao ma n aki kabarekarekaaki ni mwakuri aika buakaka.

- Baikara kakabwaia aika beritanaki taekaia ni kiibu aikai nakoia aomata ake a kororaoi n aranaki bwa Tion?

Kabwarabwara bwa te kaawa ae aranaki bwaTion ai kaman iai n taai ake rimoa. Te kaawa aei e kateaki iroun te burabeti ae Enoka ao ana aomata. E uotaki rake nako karawa ibukin raoiroia aomata ni kabane iaona (tara D&C 38:4; Moses 7:18–21, 69).

A na iai Tion inanon boong aika kaitira. N te ka tebwina ni kibu man taekan te onimaki, e berita te Uea bwa te kaawa ae Tion e na kateaki i aon te aba ae Amerika. Tuangiia kaain te kiraati bwa a na wareka taeikan te onimaki. Kabwarabwara bwa aomata aika Iteraera ake a uamaenako a na manga ikotaki nakon te kaawa ae kakannato aei (tara D&C 103:11–13).

Ni boong aikai, ao kaain te Ekaretia a reireinaki bwa a na kororaoi n rin n te tempora ma ni katea Tion n te tabo ike a mena iai n te aonaaba. Ti riai ni karaoi mweengara kanga ai aron tempora—taabo aika iai te itiaki iai, te tangira, ao te kaotioti ae kaeineti ibukin temanna..

- Tera ae ti kona ni karaoia bwa ti na itiaki riki i nanora?
- N aaro raa ae e kona n taai tabetai te aonaaba ni karaoia bwa e na kaangaanga teimotoan itiakin nanora?
- Ni kawai raa aika ko kona iai ni buokiiia kaain am utu, am mwanga, ke am uoote bwa a na itiaki nanoia?

Kabwarabwara bwa te koraki ake a karaoi ma ni kawakin berita n te tempora ao ni kekeiaki mwaaka i nanon maiuia bwa a na itiaki nanoia bon te koraki akanne ake a na kona ni buoka katean Tion.

KABANEANA

Kaota am koaua bwa te koraki ake a kororaoi n rin n te tempora a na karekei kakabwaia aika kakaawaki mairoun te Uea, n ikotaki ma taian kakabwaia ibukin rikim bwa kaain Tion ngkoe. Ti riai ni karaoa are ti kona n riki ni kororaoi ibukin taian kakabwaia aikai ao n itiaki nanora.

Ko bae n tangiria ni kan kaota te tamnei ae “Temples Are for Eternal Covenants” n te witeo.

Tuanga temanna bwa e na anga te tataro ni kainiin.



KAREKEAN OTENANTIN TE TEMBORA AO BERITA AIKA TABU

*Ao ngkana akea
taian otenanti, ao
te kariaiakaki n
te nakoanibonga,
mwaakan te Atua e
aki kona ni kaotaki
nakoia mwaane n te
iriko (D&C 84:21).*

OIN TE KAANTANINGA

Buokilia kaain te kiraati bwa a na ataa kakaawakin taian otenanti ao berita aika tabu n te tembora.

TE KATAURAOI

1. Ngkana e tauraoi n am tabo, tao ko na tangiria ni kani kaota te tamnei n te witeo ae *Together Forever* (53411). Maanin te tamnei tao 27 te miniti.
2. Ko na bae n tangiria ni katauraoi n tuangiia kaain te kiraati bwa a na anenea “More Holiness Give Me” (*Hymns*, no. 131).

ARON WAAKINAN TE ANGA REIREI

Tuanga temanna bwa e na anga te tataro ni kaukuki.

Tuangiia kaain te kiraati ngkana iai aia titiraki. Karekeea am tai ni kae-kai titiraki n am kabanea ni kona n aron kairam mairoun Tamnein te Uea. Uringnga bwa iango tabeua n te tembora a aki riai ni maroroakin-naki itinanikun te tembora.

INANON TE TEMBORA TI KAREKEI OTENANTI AO TI KARAOI BERITA

Kabwarabwara bwa inanon te tembora ti karekei otenanti ake a na anganira te kona n okira matan te Atua. Ti karaoi naba berita ni mai-uakin tuan te euangkerio. Bwaai n reirei aikai a na katauraoa te rongorongo ibukin taian otenanti ao berita ni kabuta, ao otenanti n te tembora ao berita n ti ngaia.

Otenanti

Kabwarabwara bwa te otenanti bon te waaki n nebobebo ae tabu are ti kaineti nakon te maiu n tamnei ao ma n rotaki iai.

Tuangia kaain te kiraati bwa a na aran otenanti tabeua inanon te Ekaretia. (A kona n taekina aranakin ao kakabwaiakia merimeri, te bwabetito, te kamatoaaki, te toa, katabuaki nakon te nakoanibonga, ao taian otenanti n te tembora.)

Kabwarabwara bwa taian otenanti a karoaki man mwaakan te nakoanibonga ae kakaawaki nakon tabekakira rake. Bon rinanon taian otenanti aikai ake ti karekeea iai mwaakan te Atua inanon maiura.

Tuangia kaain te kiraati bwa a na wareka Doctrine and Covenants 84:19–21.

- Tera ae riai n te aro bwa mwaakan te Atua e na oti inanon maiura? (Taian otenanti n te Nakoanibonga ae Merekitereka. Te “nakoanibonga ae korakora riki” a taekinaki inanon kiibu aikai bon te Nakoanibong ae te Merekitereka.)

“Ti berita bwa ti na anga kaubwaira n aron ara tai ara mwane ao ara tarena—ni kabane ngaira ao ni kabane ara bwai ake iai iroura—nakon kurein uean te Atua iaon te aonaaba”
(Te Katauraoi n Rin i Nanon te Tembora ae Tabu, 35).

Tuangia kaain te kiraati bwa a na rairia nakon te iteraniba 29 n *Te Katauraoi n Rin i Nanon te Tembora ae Tabu*. Tuangia kaain te kiraati bwa a na wareki kiibu n taeka aikai ni kabaibati:

“A kanga ni kakaawaki taian otenanti nakoira ngaira aika kaain te Ekaretia?

“Ko kona ni kukurei, ko kona ni kamaiuaki, ko kona ni karietataaki n akea baikai? Te reke: Otenanti a rangi n tamara ke n tamara riki, ke n kainnanoaki. A rangi ni kakaawaki ke a kakaawaki riki. A riaon te kakaawaki ao ti na rotaki ngkana akea.”

Berita

Katuruturua bwa te berita bon te boraraoi ae tabu i marenan te Atua ao te aomata ke te kurubu n aomata. E karaoi tuua te Atua aika onoti, ao E berita bwa e na kakabwaiaira ngkana ti ongeaaba nakon tuua akanne. Ngkana ti rinea te aki kan kawakin berita aikai ao ti na aki kona ni karekei kakabwaia n aron katoto tabeua ti karawawataaki ni mwiin katuaeara ibukin ara aki ongeaaba. Te otenanti ibukin te kamaiuaki man te nakoanibonga a raonaki n taai nako n taian berita.

- Tera te berita ae ko a tia ni karaoia ma te Uea ni karokoa te tai aei i nanon maium? (A kona kaain te kiraati n taekina te berita n te bwabetito, are e kabouaki ni katoaa te tai are ko ira iai te toa.)
- Tera te berita are ko karaoia ngke ko bwabetitoaki? (Tara Motiaeae 18:8–10; D&C 20:37.)

Katuruturua bwa ngkana ti karaoi berita ma te Atua, ti kaota ara tangira ni buoka te Atua ao kukurein nanora n ongeaaba nakon bwaai ni kabane ake ti tuangaki. Ni kaboan mwiina, ao e berita te Atua nakoira bwa E na kabatia kakabwaiakira. Ti riai ni karaoi ao ni kawakin taian berita n te aro are ti aonga n rikirake nakon te maiu are akea tokina.

Otenanti n Tembora ao Berita

Kabwarabwara bwa otenanti n te tembora e rin inanona te entaumente (kakabwaia mai ieta) ao te kabaeaki (te mare n te tembora ao kabaeia kaaro ma naati) ibukia aika maiu ao aika mate. Te otenanti n te bwabetito ibukia maate e karaoaki inanon taian tembora, n aron naba otenanti n te nakoanibonga ake tabeua. N otenatin te tembora,

ti karaoi berita aika mimitong n anga rabwatara nakon te Atua ma ni buoka katean Ueana i aon te aba.

Te Unimwaane ae James E. Talmage e taekina aron te berita are ti karaoia n te entaumente:

“Otenanti ibukin te entaumente iai inanona mwakuri tabeua aika ti berita ibukia bwa ti na kakaraoi ibukiia aomata tabeman, n ai aron te berita ae tabu ao te berita ibukin kawakinan tuan te raoiroi ao te itiaki, bwa ti na bwaina te akoi, ti na tituaraoi, ti na taonnanora ma n itiaki; ti na anga ara taarena ao ara bwai nako nakon kabutan te koaua ao tabekaia rake te reeti n aomata; ma ni kateimatoaa te anganano nakon waakinan te koaua; ao ni ukoukoria n aaro nako ni kawai nako nakon te katauraoi ae korakora bwa te aonaaba e na katauraoaki nakon butimwaean Ueana,—te Uea ae Iesu Kristo. Ni karaaoan te berita teuana ma teuana ao te mwiokoaki n te mwakuri are ti a kabaeaki iai man taekinaki kakabwaia ake e a tia ni berita iai nakoira, ae boboto iaon te kakaonimaki ni kawakinan tuua.” (*The House of the Lord*, rev. ed. [1976], 84).

Ko bae n tangiria ni kan rinanon taiani berita ake a tibwa tia ni kabwarabwaraki man koreaia iaon te burakiboti. Katuruturua bwa ti karaoi berita bwa ti na kororaoi ao n itiaki, ao ti karaoi naba berita bwa ti na aanga ara bwai ake iai iroura ni katea iai uean te Uea. Wareki kiibu n taeka aikai:

“Bon aomatan te berita ngaira. Ti berita bwa ti na aanga kaubwaira n te tai ao n te mwane ao n ara tarena.—ni kabane ngaira ao ni kabane ara bwai ake iai iroura—nakon te bwai are e tangiraki n uean te Atua i aon te aonaaba” (*Te Katauraoi n Rin i Nanon te Tembora ae Tabu*, 35).

- Ni kawai raa aika ti na kona iai n anga “ngaira ni kabane ao ni kabane ara bwai ake iai iroura” nakon uean te Atua?
- Tera n taai tabetai te bwai ae e tukiia kaain te Ekaretia man te anga aia bwai ni kabane nakon uean te Uea?

Ko bae n tangiria ni kan taekina am koaua ibukin taian kakabwaia ake a tia n roko nako nanon maium ibukina bwa ko a tia ni karaoi ao ni kawakin berita n te tembora. Ke ko bae n tangiria ni kan butiia temanna are e a tia ni kakabwaiaaki mai ieta bwa e na tibwauaa ana koaua teuanne ke neienne.

TI RIAI NI KAKAONIMAKI NAKON TE BERITA AKE TI KARAOI N TE TEMBORA
Kabwarabwara bwa e taku te Uea bwa, “Ane e anganaki baika bat, ao a na anaaki baika a bat mai irouna” (Ruka 12:48).

- Ko kanga n taku bwa te kibu aei e kaeineti nakon te berita are ti karaoia n te tembora?

Kabwarabwara bwa e a tia te Uea ni katauraoi taian otenanti ao berita n te aro bwa a na kona n ota iai natina te kaantninga ibukin te maiu aei ao ma n taubobonga raoi ibukin reken te tai ae mimitong ibukin te maiu ae akea tokina. Ngkana ti karekei kakabwaia aikai, ao ti mwiokoaki bwa ti na kororaoi ni maiura ibukin rikiraken rabakaura ao reken ara tai. Kabwarabwara bwa ti riai ni kakaonimaki nakon taiani berita ake ti karaoi n te tembora.

- Bukin tera ngkai e rangi ni kakaawaki bwa ti na kakaonimaki nakon taian berita ake ti karaoi i nanon te tembora?

Tuangiia kaain te kiraati bwa a na wareka Doctrine and Covenants 82:10.

E taku Beretitenti Joseph Fielding Smith: “I taku nakoimi bwa *e aki kabaeaki te Uea, ni karokoa ko kawakina te berita*. E aki kona te Uea n urua ana berita. Ngkana e karaoa te berita ma temanna mai iroura, ao e aki kona n urua. Ngkana e nang uruakaki, ao ti na urua. Ma ngkana e a uruaki, ao e aki kabaeaki i aan te berita bwa e na anganiira te kakabwaia, ao ti na aki karekea” (*Doctrines of Salvation*, comp. Bruce R. McConkie, 3 vols. [1954–56], 2:256–57).

*Ngai, ae te Uea,
I kabaeaki ngkana
kam karaoa ae I
taekinna; ma ngka-
na kam aki karaoa
are I taekinna,
ao a na akea te
berita nakoimi
(D&C 82:10).*

TE KAKAONIMAKI NAKON ARA BERITA E NA UOTA TE RAU AO KAMANOARA

Kabwarabwara bwa te tembora bon te tabo ni katantan ae tabu ioan te aonaaba ae kakiriweaki. Ngkana ti rin n te tembora ni katoatai ao ma ni kakaonimaki nakon ara berita, ti na karekea te rau, kamanoaki, ao kairakira inanon maiura.

E taku te Unimwaane ae Neal A. Maxwell, “Ngkana ti kawakina ara berita, ao te berita e na kawakinira n te maiu n tamnei” (man te Conference Report, Eberi 1987, 87; ke *Ensign*, Meei 1987, 71).

- N te kawai raa ae te berita ake ko a tia ni karaoi a na kona ni buoki-ko ni kamanoko n te maiu n tamnei?

Taekinna bwa n te tembora ti berita bwa ti na maiu ni kororaoi n oki nako matan Tamara are i Karawa ao Iesu Kristo. N taai tabetai, i nanon tain katakira n te bong koraki, ti kona ni miimi ngkai e kona n riki te aeka ni maiu aei.

Tuangiia kaain te kiraati bwa a na wareka 1 Nibwaai 17:3, 13.

- Tera ae ti reireinaki man koroboki aika tabu bwa e na buokiira te Uea ngkai ti ikakorakora n kan oki nakoina? Ko kanga n tia n nooria ni kakoroan bukin koroboki aika tabu aikai inanon maium?

E taku te Unimwaane ae Boyd K. Packer: “Ngkana ko roko nakon te tembora ma ni karekea am entaumente, ao ni katorobubua irarikin te baonikarea ma ni kabaeaki, ko na maiu n aroia aomata nako ao n riki

n aroia naba aomata—te ikakorakora n eekanako te kaririaki, te bwaka ao te rairannano, ao te bwaka riki ao te rairannano, ma iangoia n taainako bwa ko na kawakina am berita. . . . Imwiina ao e na roko te bong are ko na karekea iai te kakabwaia: 'E raoiroi, te toro ae ko raoiroi ae ko kakaonimaki: ko kakaonimaki nakon baika a karako, N na karaoko bwa mataniwin baika bati, ko na rin inanon kimwareirein am uea' (Mataio 25:21)" (*Let Not Your Heart Be Troubled* [1991], 257).

E kaoira te Beretitenti ae Howard W. Hunter bwa ti na nakon te tembora ni mwaitin te tai "ibukin kakabwaiakira n neboan te Atua n te tembora, ibukin mimitongira ao kawakinara raoi ake a kona n reke inanon oona aika a kakaawaki ma n tia ni katabuaki. Te tembora bon te tabo ae tikiraoi, bon te tabo ibukin te kaotioti, bon te tabo ae me-na te rau iai. Bon Ana auti te Uea. E katabuaki ibukin te Uea. E riai n tabu nakoira" (e rineaki man te Jay M. Todd, "President Howard W. Hunter," *Ensign*, Turai 1994, 5).

KABANEANA

Tuangii kaain te kiraati bwa a na taekin baika a namakin ibukin taiani kakabwai aika a karekei man otenanti n te tembora ao karaao-an berita ma Tamara are i Karawa.

Ngkana e reke taina ao ngkana iai n am tabo te tamanei ae *Together Forever*, ko bae n tangiria ni kan kaota te tamnei aei.

Ko bae n tangiria ni kan kaaneneia kaain te kiraati bwa a na anenea te anene ae "More Holiness Give Me." Kaota am koaua ibukin kakabwai mani karekean otenantin te tembora ao te kakukurei n reken am tai n rin inanon te berita ma Tamara are i Karawa.

Tuanga temanna bwa e na anga te tataro ni kainiin.

5

REIREI RINANON ANA KANIKINA TE UEA

"N na anganiia natiia aomata teutana imwiin teutana, te reirei teuana imwiin teuana; ao a na kakabwaiaki akana a ongeaba nakon au reirei"
(2 Nibwaai 28:30).

OIN TE KAANTANINGA

Bwa e na buokiia kaain te reirei bwa a na ataa ao ni butimwaea kabonganaan taian kanikina inanon te tembora.

TE KATAURAOI

1. Uota buraekin abam ke tamnein ana buraeki abam.
2. Butiia temanna kaain te reirei bwa e na karakina te karaki ni kauarerekeea bwa e kanga temanna te Tari ni kaeka te titiraki i aon rongorongan kaamenti ibukin te tembora. E na kuneaki te karaki n te iteraniba 20–21 ao 23 n *Te Katauraoi ibukin te Nako n te Tembora ae Tabu*.

Te bwai ae e riai n ataia te tia reirei: Taian otenanti ao berita n te tembora a bon tabu, ao taian marooro ibukiia bon iai katabuakiia ke tiaia n taekinaki nakon are e bon karaoaki inanon te tembora. Ma ngaia are, e riai te marooro n te reirei ni bon katauaki aron kabwarabwarakina nakon are bon taian kabwarabwara ake a oti inanon te boki aio.


ARON WAAKINAN TE ANGA REIREI

Tuanga temanna bwa e na anga te tataro ni kaukuki.

Tuangii kaain te kiraati ngkana iai aia titiraki. Karekea am tai ni kae-kai titiraki n am kabanea ni kona n aron kairam mairoun Tamnein te Uea. Uringnga bwa iango tabeua n te tembora a aki riai ni maroroakinaki itinanikun te tembora.

A KAKAWAKI TAIAN KANIKINA NI MAIURA N TE BONG KORAKI

Kabwarabwara bwa a kakabonganaaki taian kanikina inanon maiura ni katoa bong. Koroi tamnei aika a oti inano ke kanikina riki tabeua ake a riai i aon te burakibooti. Butiia temanna kaain te reirei bwa e na kabwarabwara bwa tera nanon te kanikina teuana ma teuana.



Kaota buraekin abam ke tamnein buraekin abam nakoia kaain te reirei ao tuangiia bwa a na kabwarabwara nanon te buraeki.

- Baikara riki aanga tabeua ke mwakuri ake a na kaota iai tangiran abam? (Te anene, te kaboraoi, te moti ni kunikai, te motirawa, ke te katekeraoi.)

Kotoi bwa kanikina aikai a tei n onea mwiin kaotan te tangira ibukin abam.

- Baikara taian kanikina ibukin te tangira ao te karinerine? (Te bwai n tangira ke te mwamwa, te kiiti ke te irabwati, ke tein rabwatan te aati.)

- A kawenei rongorongo aika ti tebo taian kanikina nakoia aomata ni kabane? Bukin tera ke bukin tera e aki?

- E aera ngkai ti kabonanai taian kanikina?

Kariaia kaain te reirei bwa a na marooro. A bon bae ni karin iango tabeua n aron aika a inano:

1. A kona ni buokira ni uring bwaai aika a bongana taian kanikina.
2. A kona kanikina n reireiniira koaua aika aki nooraki ake a na matoatoa reiakinaia ni kawai tabeua
3. A kona n kaoti namakin taian kanikina.
4. A kona n anga reirei n tuua aika a kakaokoro taian kanikina ni kaeineti nakon oin tauraoira nakon reiakinana.

Kabwarabwara bwa ngkana a kaokiokaki taian kanikina, ti reiakinna bwa ti na ota riki iai.

A KABONGANAI TAIAN KANIKINA IESU KRISTO AO ANA BURABETI

Kabwarabwara bwa e kaokioka Ana reirei te Tia Kamaiu ni kabongananaan taian kanikina.

- Taai ra ake e anga reirei iai te Uea ni kabongaan taian kanikina?

A kona n taekin bwaai tabeua kaain te reirei n aron karakinan te tibu ae bua (tara Mataio 18:12–14); uaan te mwakeke (tara Mataio 13:31–32); ke bwaeao aika a batibooia (tara Mataio 13:45–46).

- Tera n am iango ngkai E kabonganai taian kanikina te Tia Kamaiu ngkana E anga reirei?

Kariaia kaain te reirei bwa a na maroroakinna. Ao imwina manga kaoka te rongorongo ae I nano:

“Te Uea I bon irouna, te Tia Reirei ae te Toka, n oin ana reirei nakoia Ana reirei e anga reirei iaon taian kaikonaki, te anga teuana ni kakarabakau n onea mwiin taian bwai aika iai kanikinaeaia ake a kona n

rangi ni kaangaanga te ota iai. E taetae iaon taian namakin ao aron maiuakinan bwaai aika a tabangaki taekaia ake a riki man maiuia Ana reirei, ao E taetae iaoia mooa ao taian kiokio, mannikiba, taian uee, taian kameanti, taian aroka, taan iraa, taan iraa n tutanikawai, bungintaaai, te kaubwai ao te kainnano. . . . E taetae iaon uaan te mwakeke, man te bwaeao ae bati boona. E tangiria ni kan reireiniia Taan ongora irouna, ai ngaia are E taekin bwaai aika a rangi ni bebete aron kanikinaeaia n te iango. Akea man bwaai aikai ae e aki kona ni kabwarabwaraaki ke e aki rangi n ataaki, ao ni kabane baikai a bon kanikinaeaki" (*Te Katauraoi n Rin i Nanon te Tembora ae Tabu*, 8).

Kabwarabwara bwa burabeti ao abotoro a rangi ni bati ni kakabonganai taian kanikina n reirei aron Iesu Kristo ao Ana karea ibukin ana mwakuri ni kamaiu. Ana Mwakuri ni Kamaiu Iesu Kristo bon aan te euangkerio ao kakabwaia ni kabane aika ti karekei. E kariaia te kamaiuaki bwa e kona ni karekeaki. Mangaia are, angii taian kanikinaa inanon koroboki aika tabu a reireiniira aron te Tia Kamaiu ao Ana karea.

Tuangjia kaain te kiraati bwa a na wareka Mote 6:63.

- Baikara bwaai iaon te aonaaba aika kaotioti ibukin te Tia Kamaiu?

Tuangjia kaain te kiraati bwa a na wareka Aramwa 13:16.

- Ni kawai baikara aika a kaotiota iai te Tia Kamaiu otenanti n te nakoanibonga?

Taekinna bwa imwaain waakinan te Mwakuri ni Kamaiu iroun te Tia Kamaiu, Ana aomata ni berita a tiringi maan bwa aia karea bwa kanikinaean Ana karea ni kamaiu (tara Moses 5:4–8). Te mwakuri anne e toki ni maten te Tia Kamaiu ao Mangautina. Ngkai e tuangiira te Uea bwa ti na "aanga te nano ae uruaki ma te tamnei ae raraoma bwa te karea Nakoina" (3 Nibwaai 9:20). Ao otenanti n te nakoanibonga e waakinako ni buokira ni uring ana karea ni kamaiu te Tia Kamaiu. Te Unimwaane ae Russell M. Nelson e taku n ana reirei:

"Otenanti aika a rangi ni kakaawaki n te euangkerio a kanikinaea te Mwakuri ni Kamaiu. Te bwabetitoaki ni kateboaki inanon te ran bon kanikinaean te mate, te taunaki, ao Mangautin te Tia Kaboi Maiura. Kanakin te toa e kaboua ara berita n te bwabetito ao e kaboua naba ara ururing n aron ikoakin rabwatan te Tia Kamaiu ao rarana are e kawaanakoa ibukira. Otenanti n te tembora e kanikinaea aron katiteuanaara ma te Uea ao ni kabaeia utu n teuana n aki toki" (man te Conference Report, Okitobwa 1996, 47; ke *Ensign*, Nobembwa 1996, 35).

KANIKINA A REIREINIRA TE KOAUA NGKANA TI NAMAKINA TE TAMNEI

Kabwarabwara bwa ngke e maeka iaon te aba te Tia Kamaiu, ao a titirakinna Ana reirei bwa bukin tera ngkai e kabonganai kaikonaki n ana reirei. Kaikonaki bon karaki aika a reireinira koaua aika a kakaawaki,

ao a kabonganai taeka aika kanikina ni mwaitin te tai. Tuangia kaain te kiraati bwa a na wareka Mataio 13:10–12 bwa aonga n ataia bwa tera ae e taekinna te Tia Kamaiu.

- Tera am iango n te bwai are e nanonna te Tia Kamaiu ngke e taekina aio?

Kabwarabwara bwa e kaota te koaua te Uea nakoia te koraki ake iai te tamnei irouia ake a kaman ataia. Te koraki ake a karekea te koaua ma te onimaki ao te ongotaeka a na teimatoa ni karekei koaua aika mwaiti riki. Te koraki a tuai n tauraoi ni karekea te tamnei ake a aki kona ni karekea te koaua ke a karekea ma nanoia ae raraoma e na tabe ni bua te koaua are e a tia n reke irouia.

Karaki ma taian kanikina a tei ibukin te koaua n te aro are te koraki ake a tia n tauraoi n tamneia a na ataa nanon taiani kanikina. Te koraki ake aki tauraoi a na aki ataa nanona.

Aomata tabeman n ana tai te Tia Kamaiu a oota n nanon Ana kaikinaki, ma a mwaiti aika a aki oota. E koaua bwa bon ti te arona naba n te bong aei. A mwaiti rinanin aeka n atatai n tamnei ibuakoia kaain te Ekaretia.

Tuangia kaain te kiraati bwa a na wareka 2 Nibwaai 28:30 ao Doctrine and Covenants 42:49–50.

- Tera ae e reiakinaki man koroboki aika tabu aikai bwa ti kanga n ataa te koaua mai iroun te Atua?

Kabwarabwara bwa e aki riai ibukira ni kabane ni karikirakea maiura n tamnei nakon te karinan are ti na kona iai n atai nanon taian kanikina ake a kabonganaaki inanon te euangkerio, i nanon koroboki ai-ka tabu, ai moa riki inanon te tembora.

REIREI NI KANIKINA AIKA MOAN TE TABU A KONA N REKE INANON TE TEMBORA

Kabwarabwara bwa reirei ni kanikina aika moan te tabu i aon te aonaaba a reke inanon te tembora. Ni kanikina, reirein ao mwakuri aika tabu n te tembora a uotira rake ni mwanangara nakon te maiu are ake tokina, e toki te mwananga n te mataroa ae kanikinaea te roko iroun te Atua. Aomata a oneaki mwiia n tamnei, e katauraoaki te rabwata, a bwainaki kunnikai, e kanakoaki te kanikina, ao bwaai ake a riki a bane ni karaoaki n te tembora n taiani kanikina. Ngkana e oota te aba iai, a na buokiia aomata n tatabemaniia nako n ataa te koaua ao n rikirake n te maiu n tamnei.

Tabeua taian kanikina a rangi ni maatata raoi, ao nanona e a kaman oota raoi. Te tembora i bon irouna bon te kanikina:

*Bwaai ni kabane
bon iai katoto-
ngaia, ao bwaai ni
kabane a karikaki
ao a karaoaki bwa
a na kaoti rekooti
ibuki, ni kauouai
bwaai ake a kaeti
nakon te aonaaba,
ao bwaai ake a kae-
ti nakon te tamnei*
(Moses 6:63).

"Ngkana ko a tia n noora teuana mai buakon tembora aikai n te tairiki, are a bane ni kauraaki iai taurana, ko na ataa aron tamaroana. Ana auti te Uea, e otawaniniaki n te taura, ma n teretere raoi ibuakon te rotongitong, e riki bwa kanikinaean te mwaaka ao ana kairi te Tamnei ae Raoiroi n Ana euangkerio Iesu Kristo are e tei kanga ai aron te bii-kan iaon te aonaaba are iinako ibuakon te rotongitong n tamnei," (*Te Katauraoi n Rin n te Tembora ae Tabu*, 10).

Kunnikain te tembora bon te kanikina naba. Ngkana ti rin n te tembora, ti onoi kunikaira ake ti bwainira iai nakon kunikain te tembora ae mainaina, are bon kanikinaean kororaoi te itiaki. E taku Beretitenti James E. Faust:

"Moan te kakaawaki te taromauri n te tembora te koaua bwa te 'Atua e aki inanonano n taraan aroia aomata.' [Mwakuri 10:34.] Ma inanon oon te tembora ae tabu, akea ae rietata ke ae rinano, ae kaubwai, ae e kakannato, te reeti, ke te reirei.. A bane ni kunikainia n te mainaina. A bane ni karekea te kaetieti ae ti teuana. A bane ni karaoa te berita ae tabu ao te berita ae ti teuana. A bane ni karekea te kakabwaia ae moan te korakora ae akea tokina. A bane ni boraoi i matan te Tia Karikibwai" (man te Conference Report, Eberi 1997, 23; ke *Ensign*, Meei 1997, 20).

Kabwarabwara bwa kaain te ekaretia ake a karekei aia otenanti n te tembora ao ni karaoi berita ma te Atua a bwainia ni kunikai aika onoti (te aan ni kunikai) inanon nikiran maiuia. Wareka te taeka aio:

"Te kaamente e tei ibukin taiani berita aika tabu. E kakorakora kamanorakim ma n riki bwa te otanga ao kawakinan te tia bwainna. . . . Te kaamente, e rabuna te rabwata, bon te tia kauring ibukin [taian berita ake a karaoaki n te tembora]. Ibukiia kaain te Ekaretia aika mwaiti e a tia te kaamente ni karekea te marena ibukin kawakinan te tia bwaina te kaamente ni kaaitara ma te kaririaki. Ibuakon bwaai ake tabeua e kanikinaea are karinerine ae nano ibukin ana tua te Atua—ibuakoia bon te aeka ni maiu ae raoiroi ae tabangaki" (*Te Katauraoi n Rin n te Tembora ae Tabu*, 20, 23).

Tuangjia kaain te kiraati bwa e na kakimototoi bwa e kanga te Tari temanna ni kabwarabwara bwa tera te kaantaninga ibukin te kaamente n te tembora (tara *Te Katauraoi n Rin n te Tembora ae Tabu*, 20–21, 23).

Kabwarabwara bwa e kuri n ae angiin bwaai ni kabane ibukin bootaki ake a karaoaki n te tembora a bon kamanenai taian kanikina. E nanonaki n aei bwa aomata n tatabemania nako a riai n tauraoi ni kai namakina te tamnei n aron kamanenaan taiani kanikina n aron te entaumente n te tembora.

- Tera te bwai ae kona n tuuka te aomata man kainamakinan te tamnei n te tembora?

A kona kaain te kiraati n taekin bwaai n ai aron aikai:

1. E kona te aomata n aki kororaoi. Te aomata are e a tia n aki kona n raira nanona ni koaua ao ma n aki tauraoi n nanorinano ao n tataro mwaaka ibukin te tembora e na kunea bwa kanikina a na akea te maiu iai ao a na karabaaki nanoia.
 2. Te aomata e kona n akea ana onimaki. Te aomata are akea ana onimaki iroun Iesu Kristo ao te bootaki n te tembora e kona n aki karekeea ana kairi te Tamnei ae Raoiroi ae riai ibukin ataakin te entaumente n te tembora.
 3. E kona te aomata ni kabatia iangoan taraan bwaai ake a karaoaki ni bootakin te tembora n te aro ae kona teuanne ke neienne n aki reke irouna taian reirei aika a mwaaka ake a oneaki mwiia n taian kanikina.
- Ti na kanga n tauraoi ni kona ni kainamakina te tamnei inanon te tembora?

KABANEANA

Taekinna bwa te koraki ake a nako nakon te tembora n te moan tai a kona ni kaantaningaia bwa a na kona n atai bwaai aika bati ao n namakina mwaakan Tamnein te Uea. Kaungaia kaain te Ekaretia bwa a na katauraoia n tamneia ibukin baika a na namakin n te tembora. Kauringia bwa bwaai ni kabane ake a kaotaki a aki kona n ataaki n ti teuana te roko. A riai n okiokira te tembora i nanon te tai ae mwaiti n te aro are a na kona ni waaki nako n reiakin ao ni kaboua aron namakin te tamnei irouia.

Tuanga temanna bwa e na anga te tataro ni kainiin.



TE KATAURAOI N RIN TE TEMBORA AE TABU

*"E taku te Uea
bwa ibukina ngkai
a katea te auti Ana
aomata ibukina
inanon aran te
Uea, ao n aki
rootaki n te bwai
ae barekareka are
e na roko inanona,
bwa e na aki kabarekarekaaki, mimi-
tongiu e na mena
iaona (D&C
97:15).*

OIN TE KAANTANINGA

Katauraoia kaain te kiraati bwa a na rin n te tembora ni kororaoi.

ARON WAAKINAN TE ANGA REIREI

Tuanga temanna bwa e na anga te tataro ni kaukuki.

Tuangia kaain te kiraati ngkana iai aia titiraki. Karekea am tai ni kae-kai titiraki n am kabanea ni kona n aron kairam mairoun Tamnein te Uea. Uringnga bwa iango tabeua n te tembora a aki riai ni maroroakinaki itinanikun te tembora.

AOMATA N TATABEMANIIA NAKO A RIAI NI KATAURAOIA IBUKIN TE TEMBORA

Kabwarabwara bwa aomata n tatabemaniia nako a riai ni mwiokoaki ibukin waakinan taian mwaneka ake a na kairiira nakon taiani kakabwaia aika bwanin raoi n te tembora.

Maroroakin n te aro ae kimototo iango aika nimaua aikai. N tatabeua nako e kaota te kawai teuana are ti riai ni katauraoira n rin n te tembora. Tao ko na tangiria ni karinana te iango teuana imwiin teuana iaon te burakibooti.

1. A riai aomata n tatabemaniia nako ni kororaoi.

Tuangia kaain te kiraati bwa a na wareka Doctrine and Covenants 97:15–17.

- Tera te bwai ae ko reireinaki iai man te wareware aei ibukin kakawakin te kororaoi n rin n te tembora?

E titirakiniira Beretitenti Howard W. Hunter bwa ti na iangoa “te aroaro ao te katei ae raoiroi are e taekinna te Uea nakoira n tain te maroro are E anga nakoia Aomata aika Itiaki i aon Kirtland rinanon te Burabeti ae Iotebwa Timiti ngke a katauraoia nakon katean te tembora.”

E kuneaki te reirei aei inanon Doctrine and Covenants 88:119.

Tuangia kaain te kiraati bwa a na wareka te wareware aei.

Tuangia kaain te kiraati naba bwa a na iangoa te titiraki are e titiraki iai Beretitenti Hunter: “Aroaro ao katei aikai a kaota te bwai ae ti

tangiria ao ni ukoukoria ni kan riki n arona?" ("The Great Symbol of Our Membership," *Ensign*, Okitobwa 1994, 2).

2. A riai aomata n tatabemaniia nako n nanorinano.

A riai aomata n tatabemaniia nako n rin n te tembora ma te nanorinano, ma n tangiria ni kan reireinaki mai ieta.

- Bukin tera ngkai te nanorinano e rangi ni kakaawaki ngkana ti ibu-obuoki ao n reirei i nanon te tembora?

Tuangia kaain te kiraati bwa a na wareka Doctrine and Covenants 136:32–33.

- Tera ae reireiaki man te wareware aei ibukin kakaawaki te nanorinano? Ko na kanga ni kamanena te reirei aei nakon te nako n te tembora n te moantai?

3. A riai aomata n tatabemaniia n ataia bwa karekean taian otenanti ao berita e rangi ni kakaawaki ibukin karekean te maiu are akea tokina.

E taku Beretitenti Harold B. Lee: "Bootaki aika tabu n te tembora a karaoaki mai iroun Tamara are i Karawa ae wanawana are e a tia ni kaoki nakoira inanon boong aika kaitira bwa kairara ao kawakinara inanon maiura, n te aro are ngkoe ao ngkai ti aki bwaka nakon karekean te karietataaki nakon te abanuea ae tiretio ike a maeka iai te Atua ao Kristo" ("Enter a Holy Temple," *Improvement Era*, Tuun 1967, 144).

E taku Beretitenti Joseph Fielding Smith: "Kakabwaia aikai a kakoaua nakoira, rinanon ara kakaonimaki, e a tia te Uea n anganiira, te bwaeao ae batiboona bwa aikai taiani kakabwaia aika moan te kakaawaki aika ti kona ni karekei n te maiu aei. Bon te bwai ae moan te raoiroi bwa e na roko nako nanon te Ekaretia, ma ko aki kona ni karekeia te karietataaki ni karokoa ko a tia ni karaoi berita i nanon Ana auti te Uea ma ni karekei taiani kiing ao taiani kariaiakaki ake ti anganaki ao ake a aki kona ni kanakoaki nakon taabo tabeua iaon te aonaaba n te bong aei" (*Doctrines of Salvation*, comp. Bruce R. McConkie, 3 vols. [1954–56], 2:253).

4. A riai aomata n tatabemaniia nako bwa a na ataa kakaawaki bwainakin te kaamente n te tembora.

Kabwarabwara bwa te koraki ake a tia ni ira te bootaki ae tabu n te tembora a inaomata ni bwaina te kaamente n te nakoanibonga ae tabu. N te kibu n taeka nakon te Ekaretia, e taku te Moan Beretitentii:

"Kaain te Ekaretia ake a tia ni kunikaiaki n te kaamente n te tembora a tia ni karaoa te berita bwa a na bwainna ni karokoa tokin maiuiia. E a tia te bwai aei n rairaki nanona are e bwainaki kanga te aan kunikai n te ngaina ao n te bong. . . .

*Barongai aromi;
katauraoi bwaai
aika tangiraki; ao
katea te auti, te
auti n tataro, te
auti n aki mama-
tam, te auti n
onimaki, te auti n
reiakin bwaai, te
auti ae mimitorng,
te auti ae a bairea-
ki raoi iai bwaai,
ana auti te Atua
(D&C 88:119).*

"Te koaua ae kakaawaki bwa e riai ni bwainaki te kaamente ao e na akea te tai are e na kanakoaki iai. . . . Ngkana e riai ni kanakoaki te kaamente, . . . e riai ni manga kaokaki n te tai ae waetata ngkana e riai.

"Te tua ibukin bwainakin kunikai aika riai ao kawakinan te rabwata bwa e na raba raoi ni bwanin raoi n te berita ao e riai ni kawakinaki aron kunikai ake a bwainaki. Kaain te Ekaretia ake a tia ni kaka-bwaiaaki mai ieta a na bwaini kaamente kanga te kauring ibukin taian berita aika tabu ake a tia ni karaoi ma te Uea ao ai uana naba ma kaawakinara n eekanako te kaririaki ao te buakaka. Aron bwaina-kina bon taekan aron tinanikuna ao te berita n iriira te Tia Kamaiu" (First Presidency letter, 10 Okitobwa 1988).

5. A riai aomata n tatabemaniia nako n tauraoi i bon ibukira ibukin te taromauri ae tabu.

Inanon te tembora, imwaain, inanon, ao imwiin taiani bootaki, iai te tai ae kona n reke ibukin te aomata n iango roroko ao ni kaan riki nakon Tamara are i Karawa ao Iesu Kristo. Ni kabane aomata a kaaita-raaki ma taian titiraki aika a tangira kaekaaia, ma te rawawata ae tangira kabebeteana, ma taiani kaangaanga ake a tangira karaoaia. A mwaiti aika a kukurei ma ni kaaitau ibukin te tembora bwa kanga te tabo are ko na kitana iai te aonaaba ao ma n reitaki ma Tamara are i Karawa. A mwaiti aika kunei reeke, te rau, ao te kimwareirei inanon te tembora.

E taku ana taeka Beretitenti Ezra Taft Benson: "Taian tembora bon taabo ibukin te kaotioti ibukin temanna ma temanna. Ngke I taonaki n te rawawata ke te kaangaanga, ao I a tia n nako nakon Ana auti te Uea ma te tataro inanou ibukin karekean te kaeka. A tia reeke aikai n roko n te aro ae e oota raoi ma n aki kaairua." ("What I Hope You Will Teach Your Children about the Temple," *Ensign*, Aokati 1985, 8).

Kabwarabwara bwa inanon te tembora, ao ti kona ni kanakoi araia te koraki ake iai kainnanoia aika onoti n te aro are te koraki ake a nako nakon te tembora a kona ni katiteuanai aia onimaki ao aia tataro ibukiia aomata aikai.

TAIAN KATAURAOI AIKA ONOTI IBUKIN TE MOAN TAI NI KAWARA TE TEMBORA

Te taeka ni kamataata aei e na kona ni buokiia aomata n tatabemaniia nako ni karaoi taiani katauraoi ibukin te moantai ni kawara te tembora ao taraia raoi bwa te roko aei e kakukurei. Maroro ma kaain te kiraati ibukin te taeka ni kamataata ae kaeineti nakon aia kaangaanga.

1. *Te Beeba ni Kariaia Nakon te Tembora.* Karekea te beeба ni kariaia nakon te tembora. Taraia raoi bwa ko na uota am beeба ni kariaia nakon te tembora, ibukina bwa ti te koraki ake iai irouia aia beeба

ni kariaia aika a tuai bane taia aika a kona n rin. Ngkai ko kororaoi ni maium, te beebea ni kariaia e kariaiko n rin n ana tembora te Ekaretia n aki akaaka n aron mwaitin te tai are ko tangiria inanon uoua riki te ririki aika a na roko. Ni kabouan am beebea ni kariaia, ko riai ni kataetaeaki iroun temanna kaain am bitiobiriki ke am beretitenti n am mwaanga ao temanna kaain am titeiki beretitentii ke te beretitenti n te mition.

2. *Bairean ao Karekean Tain Mwananga*. I mwaain are ko nako nakon te tembora ni karekea te entaumente ke otenantin te kabaеaki, tarboniia te tembora ni karekea am tai. Kakaea bwa n ningai are ko tangiria bwa ko na roko iai n te tembora, mannra am tai are ko na baireia bwa ko na tiku iai, ao tera ae ko riai n uotia ma ngkoe. Bubuti ibukin te raitaeka ngkana e riai.
3. *Babairean te Mwananga*. Ngkana ko maeka n te tabo ae raroa man te tembora, ko riai n iangoi bwaai aikai:
 - Karekea baom, am tabo ni maeka, ao bairean te amwarake i mwaain te tai. E bon nakoim aron kabonganaan am tai bwa ko na mwananga ma kaain te kurubu ngkana e riai.
 - Ngkana e riai, karaoa te babaire n onea am mwane nakon mwanen te aba are e tei iai te tembora.
 - Uota te mwane ae bon tau ni kaaitarai kabane mwane ni kabane. Ko bae ni kainnanoa kaboa riki am kaamente, tangoa kunikain te tembora, ao kabooa boon am tabo ni maeka ao mwamwanangam. (Taraia bwa kunikai ake a tatangoaki a aki tatauraoi inanon tembora aika bat. E kaungaia kaain te Ekaretia ni kabane te Moan Beretitentii bwa a na kabooi oin kunkaia n te tembora.)
4. *Te Kunnikai*. Baireia bwa ko na bwainiko n aron are ko taku ngkana ko na ira te bootaki n te taromauri n te Taabati. A aki riai aine ni kawerakeniia aika nako nakon te tembora.
5. *Taan Kaira te Kawai*. Ni kabane te koraki ake a nako nakon te tembora n te moan tai a na raonaki iroun te tia kaira te kawai. E kona n ae am koraki ke raoraom ae titebo arom ma ngaia ae te mwaane ke te aine are e a tia n roko nakon te tembora n taai aika nako, ke temanna te tia mwakuri n te tembora ae kona ni ibuobuoki. Taan mwakuri n te tembora a na rangi n iraorao n anga te kaetieti ibukin te taai.
6. *Te Mwakuri ni Kabaebae*. Ngkana ko baireia bwa ko na karaoa te mwakuri ni kabaebae ibukiia am bakatibu ake a tia ni mate, ko riai n uota te rekooti ae bobonga raoi ibukin te kurubu n te utu nakon te tembora. Ngkana ngkoe ao buum kam na kabaеaki ke ngkana kam na kabaеaki ma natimi, kam riai ni karekea te kurubu rekooti ibukiia kaain am utu. Ngkana kam na mareaki, kam riai n iri tuan

te aba ma n uota te raitienti ibukin te mare ae tuai bane taina ma ngkami. Wareka raoi te *Member's Guide to Temple and Family History Work* (34697) ibukin taeka ni kamataata riki tabeua ibukin aron ka-rekean taian otenanti n te tembora ibukia aika maiu ao aika mate. Ko riai naba n reitaki ma te tia taumwiin bwaai n te tembora are ko baireia bwa ko na kawaria.

7. *Tararuia Ataei*. Ngkana a roko ataei nakon te tembora n ira te bootaki ibukin te kabaeaki, a na riai ni kawakinaki inanon te tembora ni karokoa ae e boo aia tai n raoni ngkami inanon te ruu ni kabae-bae. E na katauraoaki te kunikai ae mainaina ibukiia ataei ibukin te bootaki ae tabu. Imwiin tian te bootaki ae tabu ni kabae-bae, a na oki nakon te tienta n tataningaingkami. Akea te tia tararua ae katauraoaki n te tembora ibukiia ataei ake aki kabaeaki ma aia karo.
 8. *Kaamente n te Tembora*. Ko na kainnanoa kabooan am kaamente n te tembora uoua te bea imwaain rinim n te tembora. Tai karin iaom imwaain nakom nakon te tembora. Imwiin reken am entaumente ao ngkana e a rau nanom bwa bon anne buburana ae ko tangiria ma te aeka ni kunikai, ao ko kona ni kabooi riki am kaamente. Tabeman aomata a tangiria ni uati aia moa ni kaamente ake uoua ni kakoauaa raoi bwa a bon tau raoi ma ni mweeraoi iai i mwaain are a kabooi riki tabeua. A karaoaki taian kaamente n te tembora man te Ekaretia ao a kona ni kabooaki rinanon ana Tabo n Tibwatibwa te Ekaretia.
 9. *Kunikain te Tembora*. E a tia te Moan Beretitentii ni kaungai nanoia kaain te Ekaretia bwa a na kabooi ao a na kabonganai aia kunikai n te tembora. N tembora tabeua e riai ni iai tangoan kunikain te tembora n te boo ae uarereke, ma e tamaroa riki ngkana a bon karekei oin aia kunikai n te tembora. E kona te bitiobi ke te beretitenti n te mwaanga ni karekea raoi taekana bwa te tabo raa ae na kabooaki iai te kunnikai aei.
- A kona taian titita ni bwaina aia kunnikai ni mare ibukin aia mare n te tembora, ma e riai te kunnikai ni mainaina, e na ananau baina, e na tara raoi karaoana ao te kunnikai ae waewaeaki, a na akea bukina ae na mwarairai, ao a na akea iai bwaai ni katamaroa.


"A karaoaki bootakin te tembora mai iroun Tamara are i Karawa ae wanawana . . . n te aro are ngkoe ao ngai ti na aki bwaka mani karekean te karietataaki inanon te abanuea ae tire-tio" (Beretitenti Harold B. Lee).

KABANEANA

Taekina am koaua ibukin tabun mwakurin te tembora. Kaota kuku-reim n nooraia kaain te kiraati ni katauraoi n rin n te tembora.

Tuanga temanna bwa e na anga te tataro ni kainiin.

Imwiin te reirei aei, a riai kaain te kiraati ao taan anga te reirei n nako nakon te tembora ike e riai iai.



KAKUKUREIKO NI KAKABWAIA MAN KAWARAN TE TEMBORA AE TEIMATOA

E taku te Uea bwa e tia ni kariaia te tembora ao arau e na mena ikekei, ao e na kaotia nakoia ana aomata i nanon te tembora (D&C 110:7).

OIN TE KAANTANINGA

N rimwiin moani kawaran te tembora irouia kaain te kiraati ao buoiiia ni katauraoia bwa a na kukurei n te tembora inanon maiuia.

TE KATAURAOI

1. Tatauraoi ni karika te reirei bwa te tai n tibwauai iango. Angia kaain te kiraati a na tangiria ni kan maroroakina taekan aia moa ni mwananga nakon te tembora.
2. Katabea kaain te kiraati temanna bwa e na katauraoia ni wareka Doctrine and Covenants 110:1–10 ao n tibwaua ana namakin neienne ke teuanne ibukina.
3. Katabeia kaain te kiraati bwa a na kakimototoa rongorongan Eria are e kaotaki n te *Katauraoi n Rin n te Tembora ae Tabu*, iteraniba 23–24.
4. Tauraoi nakon kaekaan taian titiraki ake a reke n tain te moani kaotioti nakon te tembora, ma tai maroroakin titiraki ke te rongorongo are e riai ni katukaki ibukin te maroro inanon te tembora. Ngana iai aia titiraki ataein te reirei ake a tangira kaekaaia i nanon te tembora, kaungaia aomata nako bwa a na bairea kawaran riki te tembora.

ARON WAAKINAN TE ANGA REIREI

Tuanga temanna bwa e na anga te tatato ni kaukuki.

Tuangia kaain te kiraati ngana iai aia titiraki. Karekea am tai ni kaekai titiraki n am kabanea ni kona n aron kairam mairoun Tamnein te Uea. Uringnga bwa iango tabeua n te tembora a aki riai ni maroroakinaki itinanikun te tembora.

KATEIMATOA TE TANGIRA IBUKIN TE MWAKURI N IBUOBUOKI N TE TEMBORA

- E kanga aron am namakin ngke ko mena i nanon te tembora?

Kabwarabwara bwa te mwakuri ni ibuobuoki n te tembora e na uoti taian kakabwaia nakon maiuia te koraki ake a nanako ni mwaitin te tai nakon te tembora. Tuangia kaain te kiraati bwa ngkai e boou reirei

bwaai ake a noori inanon te tembora n aia iango, a na bae n tangiria ni kan koroi aia namakin i nanon aia boki n tauu kanoani bong.

Kauringiia bwa e ngae ngke a na koroi mwiin aia namakin ma a riai n aki koroi taekan mwakuri n te tembora, ake a na aki riai ni maroroaki-naki itinanikun te tembora.

- Tera ae ko na karaoia ni kateimatoaa iai tangiran te mwakuri n ibu-obuoki n te tembora i nanon maium?

Korea aia iango kaain te kiraati iaon te burakiboti. Ko bae n tangiria naba ni kan kaoti iango aikai:

1. Iangoa raoi te bwai are ko nooria n te tembora ni katoa bong..

Kabwarabwara bwa tabeman aomata a mwaiti riki aia tai ni kakawara te tembora nakoia tabeman. Ma n te tai are ti a tia n roko iai n te tembora ao n namakina te Tamnei ikekei, ti riai ni karekea ara tai ni katoa bong n iangoi bootaki aika tabu n te tembora ao n uring taian berita ake ti a tia ni karaoi. Karaoan ae e na kaungai nanora ni katoa bong ni iango ao n mwakuri n aaro aika a tamaroa riki.

Ti na aki kona n uring bwaai ni kabane ibukin te tembora, ma ti riai ni kataia n uringa ae ti kona n uringnga imwiin kawarana n tatabeua nako. Ti riai naba ni reiakin koroboki aika tabu ao aia taeka burabeti ibu-kin te tembora. A tia tabeua man baikai ni kaotaki inanon te reirei aei.

Ko bae n tangira temanna kaain te kiraati bwa e na kakimototoi kiibu n taeka aikai, aika a kona ni kuneaki iaon te iteraniba 10 inanon
Te Katauraoi n Rin n te Tembora ae Tabu:

“Te bootaki ae tabu n te tembora e na aki kona n ataaki raoi ni moan noorana. E na ti kona n ataaki ti teuatana mai iai. Okiria riki ao manga okiria riki ao manga okiria riki. Oki n reireiniko. Bwaai ake a karekea te kaangaanga nakoim ke bwaai ake a kaminonano ke bwaai ake e kaangaanga te oota iai. . . .

“Ngkana e reke am tai n ira tain karekean te entaumente inanon te tembora ke n riki bwa te tia kakoaua n te kabaeki, iangoa raoi inanon te bwai are ko nooria ae nano are e kamatataaki nakoim. Ao n te bong imwiin rokom kawakin bwaai aikai n am iango ao tataro mwaa-ka n rinanoi ao ko na kunea bwa wanawanam e na rikirake.

“Teuana te kai ni baire ae moan te kakaawaki ibukin bwaai aika ti noori n te tembora bwa e anga, te atatai ae moan te raoiroi ibukin ana kaantaninga te Atua ni kaeineti nakon te aonaaba aei. N te tai are ti a tia n rinanon te tembora (ao ti na ongora riki nako iai n te aro bwa ti na kona ni ururinga) aron bwaai aika riki inanon te maiu aei a bane n rin i nanon ana babaire te Atua ni kabane. Ti kona n nooria n aki toki n te tabo are ti mena iai, ao ti kona n nooria n te tai ae waetata ngkana e bua kawaira.”

2. Uringnga bwa te bwai ae boboto nako iai te taromauri n te tembora bon te Tia Kamaiu, ae Iesu Krsito.

Ti reireinaki man koroboki aika tabu bwa bukin raoi katean taian tembora “bwa e aonga Natin te Aomata n reke ana tabo bwa e aonga ni kaotia nakoia ana aomata” (D&C 109:5). Kanikina ao mwakuri aika tabu n te tembora e buokiira ni katurua raoi ara iango iaon te Tia Kamaiu.

Kabwarabwara bwa te Tia Kamaiu e kaota Rabwatana inanon te Kirtland Tembora. E kaoti nakon Iotebwa Timiti ao Oliver Cowdery ma ni kariaia te tembora bwa Ana auti. Rokona aei e kabaeaki mwiina inanon Doctrine and Covenants 110:1-10. Tuanga kaain te kiraati are e a tia n anganaki tabena bwa e na wareka ao e na kaota ana iango iaon te wareware aei.

- Baikara kakabwaia ake e berita ibukiia te Tia Kamaiu nakoia te korki ake a nakon te tembora?

A KABAEAKI UTU, N TE TEMBORA IBUKIN TE UTU AE AKEA TOKINA

Tuangia kaain te kiraati bwa a na wareka Maraki 4:5-6.

Tuangia kaain te kiraati are e a tia n anganaki katabeana bwa e na kaimototoa te rongorongo ibukin Eria are e kuneaki n te *Katauraoi n Rin n te Tembora ae Tabu*, iteraniba 23-24).

Kabwarabwara bwa e a tia n oki Eria ao e a tia ni kaoka kiingin te na-koanibonga are e kariaia utu bwa a na uaia ni kabaeaki n te tembora n akea tokina.

Tuangia kaain te kiraati bwa a na rinanon Doctrine and Covenants 110:13-16. Imwiina ao tuangia kaain te kiraati bwa a na wareki kiibu n taeka aika, aika a kuneaki n te iteraniba 28 inanon te *Katauraoi n Rin n te Tembora ae Tabu*:

“Man te bong anne ae, Eberi 3, 1836, nanoia ataei a moanna n rairaki nakoia tamaia. Imwiin te tai anne ao otenanti aki n ae kabonganaaki ti inanon tabeua te tai, ma i nanon te tai ae maan. Te mwaaka ni kabaeiae mena ma ngaira. Akea te kariaiakaki ae e raka riki nakon ae kona ni karekea. Te mwaaka anne e anga te bwai ae kakaawaki ao ae teimaan n akea tokina nakon taian otenanti ni kabane ake a karoaki ma te kariaiakaki ae riai ibukiia aika a maiu ao aika mate.”

E kabwarabwara te Tia Kamaiu taekan te mwaaka ni kabaeiae ngke e taetae nakon Ana Abotoro ae Betero, n aron are e koreaki ni Mataio 16:19. Tuangia kaain te kiraati bwa a na wareka te kibu aei.

Kabwarabwara bwa kiing aika ti te arona aikai a reke irouia burabeti ao Beretitenti n te Ekaretia ni boong aikai. “Te mwaaka ni kabaeiae anne e mena inanon te Ekaretia ngkai. Akea ae iangoaki bwa e tabu

riki mairouia te koraki ake ataa kakaawaki te kariaiakaki aei. Akea ae e anganaki mwiokoana ae mwannanoaki riki. Iai ti tabeman mwaane ake a reke irouwia te mwaaka ni kabaebae aei iaon te aonaaba n te tai are a anganaki iai—inanon taian tembora n tatabeua nako bon mwaane ake a tia n anganaki te mwaaka ni kabaebae. Akea ae kona ni karekea ma ti mairoun te burabeti, te tia mamata, ao te tia karekea te kaotioti ao te Beretitenti n Ana Ekaretia Iesu Kristo ibukiia aika Itiaki ke mairouia te koraki ake e a tia n anganiiia mwiokoia bwa a na anga nakoia tabeman” (*Katauraoi n Rin n te Tembora ae Tabu*, 24, 26).

Kabwarabwara bwa otenanti ni kabaebae ni ikotaki ma kabaean te mwaanenumwa ao te ainenumwa nakoia n tatabemaniia nako ao kabaeaia kaaro nakoia naati. Ngkana a kabaeki kaaro inanon te tembora, ataei ake a bungiaki mai irouwia a bungiaki inanon te berita ni kabaeaia aia karo.

- E kanga am iango n te kabaeki teuana inanon te tembora ni kona n rooti ara iango ao ara mwakuri n te bong koraki?
- Baikara kakabwaia aika ko taku bwa a na roko nakon te utu ibukin kabaeaia inanon te tembora?

E taku Beretitenti Gordon B. Hinckley: “Iai te mwaane ae tangira te aine ni koaua, ke te aine ae tangira te mwaane ni koaua, ake a tia n aki tataro bwa aia iraorao e na waaki nako iaon te ruanimate? E a tia te ataei n taunaki irouwia ana karo ake a aki kaantaningaia ma ni kakoaua bwa natia are e rangi n tangiraki irouwia e na riki bwa natia n te aonaaba are e na roko? E kona temanna ni kakoauaa n te maiu are akea tokina ma n nanououa bwa Atuan karawa e na kariaia natina mwaane ao aine bwa a na karekea te aeka n anua ni maiu ae kakaawaki anne, te tangira are e kunea ana iango ae iai nanona ae kakaawaki n ana iraorao te utu? Akea, bukina ae tangiraki bwa te iraorao n te utu e na waaki nako imwiin te mate. Nanoia aoamta a tiku ni kakaantaningaia, ao Atuani karawa e a tia ni kaota te kawai are e kona ni karekeaki. Taian otenanti aika tabu n Ana auti te Uea e katauraoi ibukina.” (“Why These Temples?” *Temples of The Church of Jesus Christ of Latter-day Saints* [1988], 4).

ANGANIRA ARA TAI N TAIAN TEMBORA NI BUOKIIA TE KORAKI AKE A TIA NI MATE

Kariaia kaain te kiraati bwa a na wareka Obaria 1:21.

E kabwarabwara te Burabeti ae Iotebwia Timiti bwa a na kanga kaain te Ekaretia ni kona n riki bwa taan kamaiu iaon te Maunga ae Tion:

“Ma a na kanga [Aomata aika Itiaki] n riki bwa taani kamaiu iaon te Maunga ae Tion? Man katean aia tembora, man karaoan aia tabo ni bwabetito, ao nakoia ni karekei otenanti ni kabane, ni bwabetitoaki,

"Te mwakuri ae karaoaki ibukiia tabeman aei iananon ara tembora a riai ni waakinaki n te tamnei ae ti teuana ni kan anganano ao n angabwai are e kanikinaea maiun ara Mataniwi"
(Beretitenti Thomas S. Monson).

ni kamatoaaki, n tebokaki, ni kabiraki, ao ni mwaakan te kabaebae iaon atuia, ibukiia ni kabane ara bakatibu ake a tia ni mate, ao ni kamaiuia bwa aonga n roko i nanon te moa ni mangauti ma n karietataaki nakon kaintoka ni uea aika mimitong ma ngaiia; aio te taurekereke are e katiteuanai nanoia kaaro nakoia natia, ao naati nakoia kaaro are e kakoroa bukin ana mwakuri Eria" (*History of the Church*, 6:184).

Kabwarabwara bwa ngkai mwakoron Ana babaire ibukin te kamaiuaki, e a tia Tamara are i Karawa ni katauraoa te kawai ibukiia te koraki ake mate n aki karekei otenanti ni kamaiu n te euangkerio ni karekei otenanti aikai. Aomata n te aonaaba n tamnei a reke aia tai n ongora n taekan te euangkerio. A kona ni kariaia ikekei, ma aki kona ni karekei otenanti n te euangkerio ibukiia. E a tia te Uea n tuangiira bwa ti na karaoi otenanti aikai ibukiia inanon tembora aika tabu. Ti riai ni karaoi mwakuri aika onoti ni kakaei rongorongan te utu n te aro are ti aonga ni karekei otenanti ibukiia ara bakatibu.

Otenanti ibukiia maate ake a karaoaki inanon te tembora a rin iai, bwabetito, kamatoa, katabu, nakon te nakoanibonga, entaumente, ao kabaeia mwaanenumwa nakoia ainenumwa ao kaaro nakoia natia..

Ti riai ni oki nakon te tembora ni mwaitin te tai are e kona n reke n te aro are ti na kona ni beku ibukiia te koraki ake a tia ni mate man karaaoan taian otenanti ibukiia. Ti na kakabwaiai maiuia te koraki ake ti beku ibukiia ma ni kakabwaiai naba oin maiura. Taeka ni kamataata ibukin aron karaaoan te mwakuri ibukin rongorongan te utu ao karaaoan otenanti ibukiia ara bakatibu e katauraoaki inanon *A Member's Guide to Temple and Family History Work* (34697).

E taku Beretitenti Thomas S. Monson:

"Te kukurei ni kaaitau ibukin entaumente n te tembora ao otenanti ni kabaebae e na bootia kaain ara utu ni kinaia ao tangiriia riki ao a na kaungaaki riki nanoia kaain te utu n tatabemaniia nako nakon tangiran kan karekean taiani kakabwaia aika ti te arona aikai nakoia naake ti rangi n tangiria ake a tia ni mate. . . .

"Karaaoan te mwakuri ibukiia tabeman aei are e karaoaki inanon ara tembora a riai ni waakinaki n te nano ae ti teuana ni kakeaira ao n anga nano ao n angabwai are e na kaotioita maiun ara Mataniwi. Ngkana ti uringnga, ao e na bebete riki ibukira aron karaaoan tabera ibukiia aomata nako n te mwakuri ae moan te kakaawaki aei. Ni katoaa te tai are ti taraa iai te auti aei, ao ti kona ni kauringaki iai ara tai ae akea tokina ake a kona n reke inanona, tiaki ti ibukira, ma ibukiia naba ara mate" (*Pathways to Perfection* [1973], 206–7).

KABANEANA

Katuruturua bwa kawaran te tembora e kariaira bwa ti beku ibukia tabeman ao n reitaanako karekean rabakaura n tamnei aika moani baan te kakaawaki riki. Taekin taeka aikai:

“Akea te mwakuri ae ti na kona ni kawakinaki riki iai n te Ekaretia aei nakon mwakurin te tembora ao kakaeaia kaain ara utu n te kateiriki are e rangi ni boutokaaki iai. Akea te mwakuri ae ti na kona ni kaitiakaki riki iai n tamneira. Akea te mwakuri ae ti karaoia ae anganiira riki te mwaaka. Akea te mwakuri ae tangira te aeka ni maiu ae raoiroi riki. . . .

“Ngkana ti kariaia te kaotioti ni kaineti nakon karaoon te otenanti n te tembora, ngkana ti rin inanon ara berita n akea te nanououa ke te kabwarabure, te Uea e na otangaira. Ti na karekea ana kairi te tamnei ae tau ibukin kaangaangan te maiu. . . .

“Mangaia ae kaaraki nakon te tembora—kaaraki ao bubuti ibukin kakabwaiam. Bon te mwakuri ae tabu” (*Katauraoi n Rin n te Tembora ae Tabu*, 37).

Katoka te reirei man taekinan am koaua. Kaungaia kaain te kiraati bwa a na okira te tembora ni mwatin te tai n te aro are a na kona n reireinaki mairoun Tamnein te Uea.

Ko bae n tangiria ni kan taekinna bwa a kona kaain te kiraati ni karekei man ana tabo n tibwatibwai bwaai te Ekaretia ao ma ni matakua n te tamnei ae te *Mountain of the Lord* (53300). E taekinaki n te tamnei ae 73-te miniti manna karakinan aron katean te Tembora are i Salt Lake.

Tuanga temanna bwa e na anga te tataro ni kainiin.

ANA EKARETIA
IESU KRISTO
IBUKIIA AIKA ITIAKI
NI BOONG AIKA KAITIRA

KIRIBATI



36854 859